

خزائن المصانی

معنا لأربع خزانة سی

محمد معانی

بسم الله الرحمن الرحيم

خزاین المعانی


(معنای خزینہ سی)

محمد معانی

تبریز - ۱۳۸۱

فهرست مطالب

عنوان	صفحه	عنوان	صفحه
عارفانه مناجات	۵	لاله گول	۳۵
صیاد	۶	چیلله لر	۳۶
عشقین فراقی	۷	یارالاندی	۳۷
شوق عشق	۸	عشق اودو	۳۸
دردلی اوره ک	۸	شوکر، توکل	۳۹
قرارداد	۹	هوش - باش	۴۰
ذوق صفا	۱۰	ایلاهی	۴۱
کونول گولی	۱۱	شه دؤوران	۴۱
پولسوز کیسه	۱۲	مسلم ابن عقیل	۴۲
پور شاد	۱۳	حبیب ابن مظاهر	۴۳
دوست، پیمان	۱۴	حسین (ع)	۴۴
یاخشی خیال	۱۵	زنگ آواز	۴۵
عشق حقایق	۱۶	قائلی محراب	۴۶
الله عاشقی	۱۷	کربلا	۴۷
قوجالیق	۱۸	یا حسین (ع)	۴۸
انتظار	۱۹	یا زهرا	۴۹
در گهر	۲۰	غملی ماجرا	۵۰
نور جمال	۲۱	غملی ماتم	۵۱
عالم دؤوران	۲۲	محرم	۵۲
فروع دین	۲۳	عالم آغلایار	۵۳
یانار اؤد	۲۴	پیغمبر بالالاری	۵۴
شهرت و آد	۲۵	گولوم گول	۵۵
آغ ساققیز	۲۶	قوشاگئتدی	۵۷
درد درمان	۲۷	بنده، بنده	۵۹
قانداسیز قوشام	۲۷	آی - اولدوز	۶۰
فالچی قارداش	۲۸	گوله سن	۶۱
جهان	۲۹	قاچما مندن	۶۲
امتحان	۳۰	گول، چمن، یاز	۶۳
مادی، معنوی	۳۱	آغ فلک	۶۵
عاشق دیوانه	۳۲	تیر، کمان	۶۵
کمال	۳۳	داغ دوز	۶۶
جمال	۳۳	دامن	۶۶
دوز سوز	۳۴	نامرد	۶۷
گوزل گول	۳۴	یتیم	۶۸
ناز	۳۵	رنگارنگ	۶۹



محمد معانی، محمود اوغلو، ۱۳۳۴ گونش ایلی، تبریز شهرینه تابع اولان الوار سفلی کندینده، دونیایه گوز آچدی. آتاسی نین مکتبینه تحصیل آلماقلا برابر انولرینده چکیلن فرش دستگاهیندا ایلمک سالماقا باشلادی. ۱۳۴۸ - جی ایلده شعر پری سی اونون سوراغینا گلدی. او، شعر عالمینده هئچ بیر اوستادان اویرنمدیگینه رغماً عروض و هجا وزن لرینده یازدیغی شعرلرده گوزل مضمونلار یاراتمیشدیر. بو کتابدان باشقا اونون ایکی شعر دفتری ده چاپا حاضرلاناقدیر.

معانی، محمد. ۱۳۴۷ -
خزاین المعانی / محمد معانی. -
تبریز: محمد معانی. ۱۳۸۱. نشر سپند
۱۴۴ ص.
فهرست نویسی بر اساس اطلاعات فیبا.
۱. شعر ترکی - قرن ۱۴. الف. عنوان.
۹۸۴/۳۶۱۱ PL / م ۶۳۷
کتابخانه ملی ایران
۳۸۴۴۶ - ۸۰ م

خزاین المعانی (معنایارین خزینه سی)

* محمد معانی

* حروفچینی: آذین کامپیوتر «معصومه شکوهی»

* چاپخانه: شهریار

* نوبت چاپ: اول ۱۳۸۱ تیراژ: ۲۲۰

* ناشر: سپند

* قطع: رقعی - ۱۴۴ صفحه

* شابک: ۹۶۴-۰۶-۹۳۹-۰

عارفانه مناجات

سن منه بسسن ایلاهی اولماسا هئچ بیر زادیم
 سن اوزون یاندر منی بیل چیخماز اصلا فریادیم
 رحم قیل یارب منی یاددان چیخارتما، بی کسم
 اوندا سنسیز نئیلهرم چوخدور منیم عیب - ایرادیم
 چوخ گوناھیم وار ایلاهی گیزلی ساخلا خلقدن
 خالقیم سن سن منیم سندن اولوبدور ایجادیم
 من سن ایله کامیل سنسیز منیم یوخ اریشیم
 سندن آیریلما ایلاهی یوخدو سنسیز هئچ زادیم
 یارب امداد ائیله برزخده یاتان و خده منه
 قوی پناھیندا قالیم دؤلسون فقط سن له یادیم

عنوان	صفحه	عنوان	صفحه
میرواری	۷۰	یاخشی دقت	۱۰۶
هوروک	۷۱	آواز	۱۰۷
سلامت، کرامت	۷۳	شیرین	۱۰۸
خسته تۆزو	۷۵	خطاب	۱۰۹
ننه بالا	۷۶	جفا	۱۱۰
ائیش، یوققوش	۷۷	حق بادهسی	۱۱۱
دوست یار	۷۸	آزاد	۱۱۲
ایگید یاشی	۷۹	سینه دفتیرین	۱۱۳
قانا - قانا	۸۰	داغلار	۱۱۴
بایقوش	۸۱	زمانه	۱۱۵
قازان	۸۲	دوستوم سنی	۱۱۷
دعا	۸۳	فیر فیرا	۱۱۸
ایتی قمه	۸۴	قالقان	۱۱۹
قۇجا باغوان	۸۵	مردانه	۱۲۰
آخر چرشنیه	۸۶	پنهان	۱۲۲
بو یانه گل	۸۷	آغ، قارا	۱۲۳
الوار سفلی	۸۸	ریاست	۱۲۴
عشق اؤدو	۸۹	گولوستان	۱۲۵
یاره ایندی	۹۰	اود، پروانه	۱۲۶
حاشا	۹۱	وبران	۱۲۶
پریشان	۹۲	قاضی قلم	۱۲۷
آه، ناله	۹۲	طاووس	۱۲۸
غملی بولبول	۹۳	عوض	۱۲۹
نوروز	۹۴	حمله	۱۳۰
قیرمیزی بیبر	۹۵	مکتب	۱۳۱
آغاچان	۹۶	قبول اولسا	۱۳۲
آمان دی	۹۷	قارداشلار	۱۳۲
دریا	۹۸	آیبرار	۱۳۳
آخر افطار	۹۹	غنچه گولار	۱۳۵
رمضان	۱۰۰	گؤزل - گؤیچک	۱۳۶
صالح	۱۰۱	چرخ فلک	۱۳۷
توبه	۱۰۲	گاه گاه	۱۳۸
دسته - دسته	۱۰۳	صاحب زمان	۱۴۰
دوست، دشمن	۱۰۴	آناچان	۱۴۱
فرج	۱۰۴	اؤخشییش	۱۴۳
خندان	۱۰۵	ننه باجی لار	۱۴۴

صیاد

صیاد کی چیخدی شکاره اسلحاسی وار
 چوخ جئیرانی مئشه‌نین، هم اردهاسی وار
 من بیر گوژل جئیرانه عاشق اولموشام
 اله گتیرمک اوچون نازی، قوهاسی وار
 گوئی دُولوب اولدوز، ایستیری آی دا چیخا
 گونون ده چیخماغی نین غیری بهاسی وار
 آلاه یارادیب بشری امتحان اوچون
 هر نعمتی صرف ائتمگه اشتھاسی وار
 قرانین بویوردوغونا ائیلهمیر عمل
 بهشته گئتمگه چوخ ادعاسی وار
 کشفلندی ریب دونیانین ناز و نعمت لری
 بیلیمیر باشین یئره قویسا مدعاسی وار

عشقین فراقی

آغلارام عشقین فراقیندا سنین ای نازنین
 بیلیمیرم فکر و خیالیندا نه لر وارین سنین
 انتظارین چکمیشم من نچه ایل دی ای گوژل
 یوللارین گوژلر کونول چکسین گول عطرین سنین
 من سنی جئیرانه بنزتدیم گزنده دشت ده
 قادر آلاه ائیله سین سئوگیله شکارین سنین
 من سنین تک بیر یارانمیش سئوگیلی هاردان تاییم
 گوستریر نقش وجودون خولق و رفتارین سنین
 طاقتم اولسا اگر شعرایله دیندیررم سنی
 یارینی لایق یاراتمیش قادر آلاهین سنین
 شوکر قیل آلاهینا ائیله نظر جانان من
 گل من ایله شرط ائدک دوز چیخسین ایلقارین سنین
 قورخورام چوخ گورمه سم قلبیم غم ایله مؤهر اول
 سئوگیلین بلکه دوزر اولمازسا دلدارین سنین
 ناروا سؤزلرله کونلوم هر زمان دؤل - بؤش اولور
 شاید اولسون عشقدن غم گونی غمخوارین سنین
 جان وئرن وقتیمده سنسیز جانیمی ترک ائتمهرم
 راحت ائیلر کونلومو تکجه او گولزارین سنین
 هئی باخار اطرافه آغلار گوژلریم ای نوش جان
 جان وئرن وقتیمده یاد ائیله سنی تارین سنین

شوق عشق

بو شوق عشق منی دمبدم بئحال ائله ییر
 کؤنولده خوشلوغومو چاره سیز محال ائله ییر
 او کیمدی سیلکه له ییر عؤمرومون بوداقلارینی
 چکیر زواله منی، دوشمنی خوشحال ائله ییر
 گؤزلدی بو دیریلیک، غم له غصّه محو اولسا
 حئیف کی باغری می قان گونده قیل و قال ائله ییر
 چیخاندا گون، ایشیغی عالمی منور ائدیر
 باتاندا گون ائله بیل وارلیغی زوال ائله ییر
 نفّس کی حقدی اودور سؤزلریم شیریندی منیم
 نّجه کی آری آجی شهدی شیرین بال ائله ییر

دردلی اوره ک

درده گلیر اوره گیم گاه - گاه منیم
 ال وئیریر شدّت ایلن آرزو منه
 کئچیر نظریمدن جور به جور سؤز منیم
 تکرار ائیلّمگه ماحال دی بو منه
 گولمور اوزومه گون و روزگار منیم
 آیدین سولار گتیریر غمینی سو منه
 دونیا اولدون بی وفا یولداشیم منیم
 نه بانلایان خوروس تک قوقولو قو منه

قرارداد

قورخمورام جانیمدان اصلا قورخوم اولسا سننده دی
 اول قراردادیکسی قویدوق یازیلیب سینمده دی
 بو نه حالت دیرکی سندن منه گلدی عشقدن
 بو گوناھکار جیسمیم اون دورد جیسمدن شرمنده دی
 یئتیشه عؤمروم تمامه تازه دن اوللام جوان
 اول علامت لر کی واردیر اثراتی مننده دی
 چکه بیلدیم باشیمه عشقین شرابین جامیله
 یوخدور هئچ جورمو منه عاشق اولان رزمنده دی
 گؤز آچیب بیر دامنی گؤردوم آل آتدیم دامنه
 ایسندی ده وار آللریم قورتولماییب دامنده دی
 اولسا گر بو دردیمه چاره جوانم عشقدن
 دردیگیم درمان اولاکاش، ییغمیشام خرمنده دی
 آغلادیم گؤزیاشیم آخدی شوق ایله گوی چمنه
 یارادیب ذوق و صفانی سئودیگیم چمنده دی
 گؤز آچیب عشق عالمینده تکجه گؤردوم اوزومو
 آغلارام سئوگیلیم آغلار اول گولوم سمنده دی

ذوق صفا

صبر بیر سرمایه ذوق و صفادیر زاهدان

خشمگین خولقا گول خندان شفافدیر زاهدان

چاتماق ایسترسن اگر سن اول گوزل معبودنا

اصل اسبابی اونون عشق و وفادیر زاهدان

ساخلا نفسین حق و ناحقین آراسیندا بشر!

یالوار آلاسه اوره کدن هر ایشین اولسا بیترا!

عالم عشق ایچره بیجا سوز دئین درده دوشرا!

درده درمان ائیله ین اشک خفافدیر زاهدان

یئتسه گر حد بلوغه ای اوغول سینین - یاشین

ملتفت اولسان یقیناً دوز سچرسن یولداشین

دوست اولوب احمق لرایله، ایمه سن غیره باشین

بیر آغاجدی میوه سی جور و جفافدیر زاهدان

چوخ غم و اندوهیله من سن و ساله دولموشام

آختاریب معبودمو عشقینده گول تک سولموشام

ایرمی ایل زحمت چکیب بش علمه عالیم اولموشام

بو سبیدن دیر «علمی» خودکفافدیر زاهدان

حقّی واردیر شاعرین ایندی اله آلسین قلم

شعر ادیبانه یازیب آلاهیانا وئرسین قسّم

سبز محلّ زهد و تقوایه قویوبسوز چون قدم

ساخلایان یتمیش بلادن بیر خدادیر زاهدان

کؤنول گولی

کؤنلوم ایستیر قیلاسان عشقلى رفتاری منه

گله سن آنسى به آنسى گؤزلیم، ساری منه

من کی بازم سنه ای گول، لبی خندان اولاسان

گؤندره عزّتیلن توی گنجه سی یاری منه

آسه سن پنجره ده، غصّه و داغیم داغیلا

نارگیلم! اولمایاسان، یاندیریجی ناری منه!

سنی آلاه یارادیب ذوق و صفا بایراغسیان

باری گؤسترمه چیچک - گول عوضی، خاری منه

یاراشیپسان باهارا بولبول ایلن عؤمر ائده سن

غزلی خوش گتیریر گزمه لی گولزاری منه

سن عروسون تئلی، داماد الینین زینتی سن

بسله ییبدیر سنین عشقین گؤزل اشعاری منه

نه قدر وار نفسیم شعرده آدین گله جک

شعر سنسن یئیشیدیر سؤزون اظهاری منه

من جوان اولسم اگر قبریمین اوستونده اؤتور

دؤستلاریم آیریلالی اوخشا ائله زاری منه

گلن اولسا باشیم اوسته اوخوسون بو غزلی

من گوله اوخشامیشام گول ائدیر اوخشاری منه

پولسوز کیسه

پولسوز کیسه لی وای کیشی احوالینا ایندی
 حامبال اولاسان یوک چاتیلار دالینا ایندی
 پولسوزلوق اؤدو قور سالاجاق مالینا ایندی

مالین دا یانار سن ده یانارسان بو یقیندیر
 پولسوزلوق اؤدو یاندیرا دؤزمک ده چتیندیر

لازیمدی گرەک بیز ده بیلک یوخدو چاراسی
 هر کیمسه دوشه قالما یاجاق گؤزدە قاراسی
 بیرگون گۆره جک گئتدی اؤزو قالدی هاراسی

مین بیر تومنی بیر تومنه سودا ائدییدی
 وار هر نه یی حتی اؤزوده فوتا گئیدی

انصافین اولایانمایاسان وارلیق اؤدوند
 گؤرسنمه یه وارین لبه دارین دا کؤتوند
 توت یوخسول الین یانمایا جیسمین تابوتوند

روحون چیخیبن روضه رضوانی دؤلانسین
 غافل اؤتورانلار ائشیدیب کاشکی اویانسین

پورشاد

پورشاد اولدو کؤنول ترکیبی طولانی یول آشدی
 غصه لی خاطیره سی گلدی وجودوندا یاراشدی
 ایندی بیجا دانیشان کیمدی کی صادر اؤلا حؤکمی
 نه خیال ایله دانیشدی دیلی آغزیندا دؤلاشدی

کسدی حقین یولونو قویما یا گئت - گل یولو اولسون
 ییغدی یولداشلارینی هم ساغی هم ده سؤلو اولسون
 انتظار ی وارییدی جام شرابی دؤلو اولسون
 گؤردو بیر اژدها بو حین ده تئز آغزینی آشدی

دئدی ای لات و خبیث ایندی بو میدانە قدم قوی
 نه سؤزون وار ائله جاری منه، مردانه قدم قوی
 چکمیشم چوخلارینی کامیما، زندانه قدم قوی
 کی شراب ایله دولوب کاسه، ایشین آی بالا یاشدی

دوست، پيمان

ايسته پير شاعري عالم بيله عنوان ائله يه
يارادا بير غزلى دوسلوغا پيمان ائله يه
اوره گى دوست آريان دوستونو البته تاپار
ياخشى دير قلوبده اوز عشقيني پنهان ائله يه
دوست ايكي اولسا محبت بولونوب زایل اولار
چاره سی یوخدو گرک دوسلوغو بير يان ائله يه
بیری گولسه اوزونه فکر ائله مه دوستوندور
واردیر امکاني سنى نفسينه قوربان ائله يه
دوست آدين سيلسن اوره ک دفترى بوش ساخلانيلار
يول اولار هر گلن آت چاپديرا ميدان ائله يه
بيل کى محبوبون ايتيرسه قالار آواره کونول
يئرى وار وحشى لره تاي اولار طغيان ائله يه

ياخشى خيال

باخما هر کس سوزونه يايخشى خيال ائيله کونول
نفسه يول وئرمگى ذهينده محال ائيله کونول
ائيله زادلار سئويسن کى ائله مير عقل قبول
سنه عزت وئره نى سن ده خوشحال ائيله کونول
مصلحت اوزره اگر عارض اولار بير مسئله
آجى دا اولسا دولاندير گولى بال ائيله کونول
حوسنه آلدانما گوزل اولسا دا بئش گونلوک دور
بير تبه بئنددير او، قال ومقال ائيله کونول
چکمه اودلو داغى بو سينه ميزه قوى دولاناق
دئميرم عشق گولون باغدا پامال ائيله کونول
ياراشيرشأينه بير جاني وئرم جاني آلام
آچ شالين بوينوما سال اولسا مدال ائيله کونول
دستگير اولسان اگر ظالم الينده بيرگون
من دئين سوزلريلن دوشمنى آل ائيله کونول
گوزله ايانديرما منى آتش هجران دا گوزل
آچ گوزون، باغلا ديلين حبس ده، لال ائيله کونول
ايسته سن کى گزه سن روضه رضوان دا سن
بوتون ايستکلرينى پاک و حلال ائيله کونول

عشق حقایق

گنبدیری عشق طلب، عشق حقایق گلیری
گون به گون عالم دؤوران منه لایق گلیری
انتظاریم یئتیشیر آنی به آنی هدفه
منه تبریک ائله یین کَلّ خلاق گلیری
دونیانین عصمتی احوالیمی پوزقون ائله ییر
قلبیمی یاندیریر هئی قاپیدان اورقون ائله ییر
ظاهری خوش ایچی پیسر لر منی قوزقون ائله ییر
باشیمین اوستونه باخ! اهل شقایق گلیری
عالم عشق وجودودما اولوبدور دایر
شعله سین عالمه سرتاسر ائدییدیر ظاهر
یسارادیبدیر بو مقامیم منه شأن فاخر
آردیجا روز جزا محشر خالق گلیری
شاد اولار اوندا کؤنول تکجه بیابانه گلیم
آدی، شخصیتی کامل بئله جوولانه گلیم
چکمه ییم منّتی تکجه سنه درمانه گلیم
حیف اولار درمان اوچون گونده باهالیق گلیری

آلاه عاشقی

آلاها عاشق اولان اولما یا جاق خوار و خبیث
جستین یوللارینی تیرکیمی تنها گنده جک
باشدا بیر گول بیته جکدیر اسه جک عؤمرو بو یو
باشی عرشه اوجالیب ریشه سی چاها گنده جک
هله یالوارم امیش آلاهه اوزون پاکلا گینان
ناپاک اولماقدا یقین فکری گوناها گنده جک
داغلارین دامنینه باخ نه گؤزل لاله بیتیب
قار، سو یوخ سئیره چیخاندا نه پناها گنده جک
گزه دؤوران جهالت وطنیم جنگه دوشر
بشرین قانی آخار هئچ، جانی داهه گنده جک
دوشوبن درد و بلایه اولار عالم ده اسیر
تؤکه جک باشینا بیر کول توزو ماها گنده جک
نظر ائيله سؤزومه درد و غمین درمانی دیر
چاپ اولوب هر یثره هر اولکه ده شاهه گنده جک
مین دوه اووسارینی بیر دوه دن تحویل آلان
آنلاماز جنسی نه دیر هانکی سی باها گنده جک
رحم ائله اؤز - اؤزونه، نفسینه ای تابع اولان
دونیانی، عالمی وئرسن بو طاماها گنده جک
شیطانا بیر تله قور توت اؤنو سال تنز تله یه
انستقامین بوگون آل قالسا صاباحا گنده جک

قوجالیق

گلدی قوجالیق عشقِ جمالیم گئدیر الدن
 فرصت وئرلیب باده مجالیم گئدیر الدن
 من شاعرایدیم شعرایله شیطانی قوواردیم
 ایندی گؤرورم فیکر و خیالیم گئدیر الدن
 ایستیر اوره گیم جانیمی جانانه یئتیرسین
 افسوس جهان! سنده کی حالیم گئدیر الدن
 من ده اولورام بو قارا تورپاغین اسیری
 دؤورومده اولان اهل عیالیم گئدیر الدن
 آخدی گؤزومون قاره سی عزرایله ساری
 وای! پاره جیسمیم دی کی مالیم گئدیر الدن
 جوولان لادی دیللرده آدیم شعر و ادب له
 دوشمن! بئله ظن ائتمه جلالیم گئدیر الدن

انتظار

چکیم اشک ایله آهی انتظاریم وار
 اولوب غرقه دوچار عشق قراریم وار
 منی چرخ فلک دیر ائیله ییب بیدار
 باخیب گؤردوم صفالی گولعداریم وار
 بو گولشن ده اثر قویدو منه بیر گول
 منیم ده درمگ اوچون اختیاریم وار
 ائتدی رضا دلدارلیغی منه پیشکش
 یقین بو ماجرا ده بیر بهاریم وار
 اسیر اولدوم گئدیدی ر اختیار ای دل
 گولر- آغلار بیلینمز اعتباریم وار
 قینیندان چیخسا خنجر قان ائدر ای دل
 دئمه محکم بیر حالت ده حصاریم وار
 یئریندن هر دوران تؤولور مسلمانی
 منیم وار اعتقادیم بیرده تاریم وار
 تلاطم ائیله دی دنیا و عالم لر
 بو ائنه ده منیم ده بیر شکاریم وار
 عجب آساندی بو شرم و حیا ائتمک
 خیالی عالمیمده افتخاریم وار
 ائدیم ایثار من بیر لحظه ایمانه
 کی بو عالمده بیر ایشگه مزاریم وار

دَرّ گوهر

صاحبِ علمِ علی دیر کیمسه نین حسّادی وار
 دَرّ و گوهر دی بو سۆز شعر عالمینده آدی وار
 طعنه وورما شاعره، ای مدّعی عشق و علم
 اولسا هر کیمده بو حالت چوخ بۆیوک ایرادی وار
 چیرکین اولسان زینتین یاخشی عمل لردیر، بشر
 گۆزلین آفاتی چوخدور دادی وار بیدادی وار
 ایسته سه اهل شرافت شعردن الهام آلار
 برده سی چوخ اولسا دا البت کی چوخ آزادی وار
 اشتیاقیم واردی شمع یان دیرام شوکر ائیله یم
 هر نه قدر غمگینی اولسا اول قدر دلشادی وار
 بیر لطیف گولدور جوانلیق درمه میش یارب سۆلور
 بو یولو طیّ ائیله مک ده هر کسین مورادی وار
 سۆزلریم چیخسا اورده کدن ایز سالار هر قلب ده
 هئچ اثر ائتمز اوکس ده کی اونون افسادی وار
 شعری معنا ائیله ین چوخ عالیم و عارف اولار
 نوکر شیطان دئییل شاعر، بیر استعدادی وار

نور جمال

هارد ا گۆرونور گوزلریمه نور جمالین
 گون تک یاخیری قلبیمی او شعله و حالین
 چوخداندی سنه عاشیق اولوب نازینی چکدیم
 اوْن دورده دۆلوب من بیله سی سنّ ایله سالین

جوولانه گلیب درّه کمال عشق طلب دیر
 اوز حقیق ادا ائیله ینه قلبی سبب دیر
 گولزاری گزن گوللره ائیلرسه تماشا
 مومکوندور او دم ذوق و صفا عقله غلب دیر

بوستانی بوتون آغ کلم ایله کاهی توتמוש
 باش اوسته اوچان بول کپه نکه له یاهی توتמוש
 ذوق ایله صفا وقتی دی گل ائیله تماشا
 چشمه باشینی جئیران آلبیدی آهو توتמוש

عالم دؤوران

یوخ عالم اختیاری عالمی دؤوران ائدن واردیر
 بؤراخماز باشینا راحت بیرآن، جوولان ائدن واردیر
 بو دنیا قالمایب دیر هیچ کسه قالماز منه البت
 نفس چکمک اوچون یوخ قدرتم فرمان ائدن واردیر
 سؤزوم یوخدور بو ائنده دئیم یارب منیم اصلا
 رضایت اولماسا سندن منه احسان ائدن واردیر؟
 سؤزو اشگ روان ایله دئیم شرمنده یم عفو ائت
 سنن آبادینی ای خلق ائدن، ویران ائدن واردیر
 اوره کده شعله ور اولدو جمالین نوری عشقیمدن
 سنن شوقون دا هر لحظه منی حیران ائدن واردیر
 یانیب عشقینده یازدیم دم به دم اشعاریمی سن اوچون
 منی آزاد ائله حمله ائدیم طغیان ائدن واردیر
 منه لازیمدی تکمیل ائیله یم بو شعریم حقندن دیر
 خزان فصلی نئجه گئتسه گولو خندان ائدن واردیر
 دئدیم من ساده جه بو شعری تعبیر ائیله ای عارف
 بیزه خاطر نه چوخ سزی بیلیم پنهان ائدن واردیر
 بیلیرلر خولقو مو خلقه یامان بیر حالتیم یوخدور
 پریشان اولسا حالیم، باغری می شان - شان ائدن واردیر

فروع دین

ائشیت بو سؤزلری انسان، اولما آنلاماز
 عاقل اولان کیسمه دونیایه بئل باغلاماز
 اؤن دور فروع دین اولینجیسی ناماز
 ایکینجیسی اوروجدوکی توتاسان گرهک
 اوچونجوسو حج دی دوردونجوسو جهاد
 بئشینجیسی خمس دی آلتینجیسی زکات
 گئتن بو یول ایلن یقین تاپارسان نجات
 بونلاری بیر به بیر کامل بیله سن گرهک
 مشتری دی بو عمل لر حق تعالا
 گؤندریب انسانه آلاسه بیلیدی روا
 یئددینجی سی تولا، سگگیزینجی سی تبرّا
 بیرینی بیریندن یاخشی سئچه سن گرهک
 بو اماتتی قبول ائیله ییب چون بشر
 گرهک وظیفه سینه واقف اولاهر نفر
 دوققوزونجو امر به معروف، آخیر نهی از منکر
 بونلاری یئر به یئر حتماً گوره سن گرهک

یانار اؤد

یاندیردی عالمی بیر اؤد کی آلاهدان گلمه ییب
گونوم قارا کئچیب او سنه دن اوزوم گولمه ییب
نئچه سرّ وار قلبیمده امانت ساخلامیشام
مدّت دی یولداش اولانلاردا هئچ اثر بیلمه ییب

گوسترن ذهن عالمینده هوش دور، آلاهی
سئوگی نین زحمتی سئوگی یه نوش دور والاهی
ضعیفین خشمی قوی یه خوش دور بیللاهی
قبری دخیلدی بیلن اولماز نه قدر اولمه ییب

انسان، آلاه، پیغمبر، قیامتہ قایل اول
اونلارین سئودیکلرینه بیر به بیر مایل اول
حق ایله باطل آراسیندا اؤزو حایل اول
بئله اولماسا هئچ اؤز باشینا چاره قیلما ییب

شهرت و آد

کؤنلون ایسترسه دوشه شهرت ایله آد الینه
تانیشی زنجیر ائدیپ تاپشیراسان یاد الینه
چوخ طاماح اولسا بشر انصافین الدن وئره جک
ائله بیل آهو دوشوب قورخولو صیّاد الینه
یاپیش حقین اتگیندن اؤزونه درمان ائله
وئرمه میش خیرتدگینی خنجر و جلّاد الینه
قلمین قذی بوکولسه چکه جک ایش فسادا
ائله بیل کی ایشی وئردین ناشی اوستاد الینه
هارد ا آزادلیق اؤلا اوردا عدالت گؤرونر
اولماسا، ایش یئتیشر آخیری شیّاد الینه
بیر گون آغلا اؤزونه اؤولادینی تربیت ائت
قوجالاندا گؤزونو باغلاما اؤولاد الینه
قوروسا چشمه، باغین میوه لری درده دؤنر
باغوانا یئتمز او زحمت یانا بیر زاد الینه
شام بؤیانسا قارایا غم بورویر قلب لری
قیرمیزی شمعی وئر لر گئجه داماد الینه

آغ ساققیز

قنویما قالالا نعمتلی آشقالین الینده
 آغ ساققیزله کاسهده باققالین الینده
 هر کس یئتیشیب عطرین آلیب مشتری دورسون
 قالسین قولاغی نؤوبه ده قیل - قالین الینده

یوخ منده توان دؤزمگه یا رب دؤزه بیلیم
 هر کس ییخیلا بیر بئله گودالدا گولم
 تیخنار نفسیم پیسله شر حالیم ولی اؤلیم
 عزراییل آلا جانیمی غسالین الینده

میدان دا تۆکولسون بو قانیم قالماسین اصلاً
 وار اؤلسا وجودوم بونا لنتر کیمی سسلن
 اوچ نهر کناریندا اؤلان چؤپ کیمی بسلن
 اسدیرمه بوداقین یئله چاققالین الینده

درد درمان

آغلاماق عشقینده یارب دردلرین درمانیدی
 درده درمان ائيله یین دوز - دوغروچو ایمانیدی
 دؤغرانا جسم و وجودوم قطعه - قطعه دشتده
 عالم ذر ایچره او عهد ائتدیگیم پیمانیدی

گلمیشم درگاهینا دردیمه درمان ائده سن
 آچاسان باغلی قالان قاپیلاری گروان ائده سن
 کؤنلوم ایستیرکی گؤرم من او دیاری باشاباش
 او ضریحین باشینا بیر گئجه مهمان ائده سن

قانادسیز قوشام

قوش کیمی قالدیم قفسده یوخ قانادیم بیر اوچام
 بیر قارانلیق یئرده قالدیم قاپی سی یوخدور قاچام
 چوخ حئییف اؤلسون آتام لا گؤردوگوم خوش گونلریم
 وارا چاتمیر اللریم بیر سفره احسان آچام
 جومورام دریای غمده چالخانیر جسمیم، جانیم
 یوخدو روحیه کئچن گونلر کیمی ایچدن پوچام
 جانیمی جانانه تاپیشیرسام جهانی بؤشلارام
 آغلاماقدان غیری یوخدور بیر علاجیم من هئچم

فالچی قارداش

فالچی قارداش نه گزیرسن او - بونون بور - بوجاغین
 سۆیوسان کار - کاسییین جیبلرین هم ده قوجاغین
 قوروسان هر گسلنه مین تله شیطان اوجاغین
 قورخوسان توستو وورا نقشه لرین بر باد اولا
 سنه لذت یئتیشه دوستلارینا ایراد اولا

عزیزیم قویما ائوه کوفر و فساد یایانی
 آلتینی یئددی ائدیپ یئددینی سگگیز سایانی
 دئیجهک قوربانى کس دین قانایلن تۆک حیانی
 قویاجاق هر ایکى دونیادا دا آواره، ذلیل
 ائشیدیب آنلایانا باخسا نصیحتدی، دلیل

جهان

تۆولانما جهاننه، وفای جهان هانی
 آدم عصریندن بو جهاندا قالان هانی
 چوخلار جمع ائيله ییب مال و ثروت عبث
 یوخ نشانه کیملر ائيله ییب تالان هانی
 ییغیدی باشینا خان و سلطانلار دلی
 شرّ وجودلاری اؤلوبدور یالان هانی
 جهد ائيله ای بشر یاخشی اثرین قالسین
 اؤز یاخشی لیق لارینی باشه چالان هانی
 حقّه باش ایمه ینلر تورپاغه اوز قویوب
 تورپاق اسیری دیلر یاده سالان هانی
 دنیا بازاریندا عومرون ساتما مجّانی
 عومرون قیمتی غفلتده آلان هانی

امتحان

ای دیل گۆز آچ دۆلاندیر جهانہ باخ
 آلاھین امرینہ امتحانہ باخ
 ایسترسن اؤلاسان ناز و نعمتدہ
 نعمتدہ غرق اؤلان کاروانہ باخ

گورشاد ھاوا ماتم توتوب آغلايير
 گونش ھاوا اورہ گيمي داغلايير
 ياز بولودو گویرديدی چؤلری
 قیش فصلینہ سلہ - سوقات باغلايير

قہرمان اوغلو آزادہ مردايديم
 افسوس کی غم درياسيندا غرق ايديم
 درد ايچيندہ شیرين جانی بسلہ ديم
 ياشايشا قارلی قيشدان سردايديم

آغلارام احوالينا عباسی من
 توتارام ماتم سنہ شام یاسی من
 ایستیرم شفاعت سندن آقا جان
 گۆز یاشی ایلہ یازیلا میراثی من

ای منی یارادان وئرن پرورش
 چاغیریرام سنی دادیما یئتیش
 دۆلاندیر جسمیمی پاک ائیلہ، منیم
 گلہ سین باشیما عقلہ گلمز ایش

کربلا سنہ واررام آل قانلی
 الیمہ باشا ووررام قانلی - قانلی
 حسینہ آغلایا - آغلایا گئدیم
 عؤمرومو باشا وئرم گؤزو قانلی

مادی، معنوی

مادیاتا راغب اؤلان معنالاری بؤشلایاجاق
 آلاہ امرین ترک ائیلہین شیطان سؤزون خوشلایاجاق
 بئش گون، اوچ گون بو دونیادا چالیشیب ناخوشلایاجاق
 بو مریضہ یوخدور درمان عذاب چکمکدی درمانی
 باغیشلانمایان کسرلرہ بودور آلاھین فرمانی
 اؤزون تانیمایان بشر

هئچ زادی تانی یا بیلمز

بو دونیادا کئف آختاران حسرت ایلن جان وئرہ جک
 غضبینہ تابع اؤلان جانینی قوربان وئرہ جک
 عشق مرضینی توتان گۆز یاشی لہ قان وئرہ جک
 داماریندان قورتولسا قان اورہ گیندن وئرر قانی
 نہ ایشیندن گؤتورر ال نہ بیر کسین سؤزون قانی

وای اؤلسون بئله انسانہ

آخرت و دونیا بیلمز

طبیعت حسابدارى نین
 شمع عشقینده پروانه لر
 بولبول لره گول عطرى نین
 الوان گوللرین اوستونده
 حق یولدا گئدن جانلارا
 ائیله بیر لاله فغانی
 دفتري، مدادی اولماز
 یانار هارای - دادی اولماز
 او لذتی، دادی اولماز
 قووزانار ناله، فغانی
 ائیله بیر لاله فغانی
 محبوبونا چاتان دلبر
 مین ایلی سانایا بیلمز

عاشق دیوانه

سؤیلور بئله بیر عاشق دیوانه مزاجی
 خلق اولدو بو عالم نه اوچون داغی، آغاجی
 شیرین دیلی دلداره وئریدیر اجل آلدی
 شیر شاه شقاوتدی قویوب باشینا تاجی
 (دارنده برارنده) دئییلر، نه دی جورمو-
 لایق شرفین صاحبی یوخسول یازیق آجی
 ایستر خیالیم ترکیبی جانانه یئتیرسین
 تطبیخ ائله ییم شام و سحر خانه باجی
 سئلر تۆکولور شار - شار ائدیر شور و شرایلن
 بیلزمی مگر یوخدو بوغولموشلارا ناجی
 از بس کی دلیم دردیمه وئرمیش بو نظامی
 بو درد مجازی دئییلی یوخدور علاجی

کمال

قدم قویدوم درجه کماله
 ارزش قائل اولدوم جانایله ماله
 نظر سالدیم یئر، گؤی، جنوب، شماله
 مغربه، مشرقه، اوچ یول اولوندو
 علم و عمل، نیت جاری اولوندو
 هجوم چکدی عقل تقوایه طرف

جمال

گؤرنده گول جمالینی
 اوره کندن آه و زار چکدیم
 سندن گؤزل اولان یارین
 یولوندا انتظار چکدیم

چولقادی عشقی درد و غم
 لاله، زر شعله چکنده
 باخدیم اونا نقاش اولدوم
 عکسینی گولعذار چکدیم

دوز سوز

قیش، قوش اوچ قاچ گۆز کۆز دوز سوز
یای، آی گون ساي یاز نار گول باز

آی سیز اولدوز باتماز گونسوز یاریم تاریم واریم بال، دوز
ازل غزل گۆزل آز سۆز چاشیم جوشوم قیشیم قار - بوز

قلم، قاش سونبول، ساچ گول دوداق بیر ده آچ

قارا گۆز، شیرین سۆز دایان دۆز بیر یاواش
آی، جمال گون، جلال بی جهال اول یاراش

گۆزل گول

آی گۆزل گولوم سنسن سئوگیلیم سن آغلایاندا من نئجه گولوم
باغ بولبولوسن گول سونبولوسن سنی سئویرم اوزون بیلیسن
قصری سوپوررم عطیر سَپَرم سن بیزه گل سین الین اوپهرم
گل گئدک بیزه چالمامیش دیزه دوشمان اولمایاق بیر - بیریمیزه

ال وئر باریشاق حقّه قاریشاق

بیلمه ینلری اوندان سؤروشاق

ناز

چوخ دا ناز ائیلمه بس دی دای منه
سن منه اؤخسان من ده تای سینه
گوندوز گونشیمسن گئجه آی ننه
ایشیقین گؤستریر عالمه سنی

دونیا تالانسا دا کئچمرم سندن
آیریلیق شربیتین ایچمرم سندن
آجیلیق باده سین سئچمرم سندن
سنسیر راحت قویماز بو عالم منی

لاله گول

سو سوناسی بیگ آناسی مئو قاناسی سال
لاله گولو گول سونبولو سونبول تئلی شال
گئجه آیی اولدوز سایی یوخدور تای بیل
چمن یاشیل قلییم آچیل، یامان پاخیل اول
سویوق چیلله قاری تیلله خلقی شیلله چال
گوللو نئسان تئلی جئیران عقلی حیران قال
نوباهاریم گولعداریم گۆزل یاریم گل
ایستی گون چیخ ظولماتی ییخ سویوغو سیخ گول

چیللەلر

ياز گيليري گول ايلن ياغيشيلان
چيخين گئدين بيركنارا چيللەلر
الوان گوللر چيچگ ايلن قوشولان
اوزوز گوروم اولسون قارا چيللەلر

گولە - گولە ايلين گوزل آي لاری
دۆلدوراجاق سيلاييلن چای لاری
قالاياجاق بشقاب لارا پای لاری
اؤلاجاقسيز سيز آوارا چيللەلر

باھار گيلير چيللەلرلە ساواشا
نفس وئيرير يئرە، گۆيە داغ - داشا
آغاجلار، گياہلار چاتار باش باشا
تاپيلماس درديزه چارا چيللەلر

باغلاديز يوللاری هم گديکلی
هامارلاديز چوققورلاری دیکلی
چکديرديز پيچاغا کؤک اتدیلکری
قويلاديز اتلری قارا چيللەلر

يارالاندى

عزیز جانیم غم بیتیریر آغلیرام
درددن باغیریم یارالاندى آي آمان!
سرین سو وئر یانیر قلبیم یاخیلیر
اؤد توتوبان قارالاندى آي آمان!

قارا بولوت چؤکوبدور آسمانه
ایشیقلی گون قارادییر من جوائه
ارییدی وجودوم اؤد دوشدو جانه
خوش گون مندن آرالاندى آي آمان!

جهت نهدير بو سؤزلری اؤخورام
تۇراتان تک هاوادا تۇر تۇخورام
آلاھیمین مقامیندان قۇرخورام
جیگرلریم یارالاندى آي آمان!

عشق اودو

عشقیڻ اودو آلۆولاندى آلیشدى
قوور ائيله دی سۆنن داغلار آ داغلار
سولاری قان، قارا داشلی، آلۆولو
ایستی دی غم سئون داغلار آ داغلار

او کیم ایدی باشی سودا اوزولدو
او کیم ایدی قانی طشته سوزولدو
کیمین وجهینه قوچ قوربان دوزولدو
عزیز قبالدی همان داغلار آ داغلار

کسیلمیش باشی دانیشان یحیادی
فرعونون جالادی سودو دریادی
آخرتی آباد ائدن دونیادی
خراب قالماز گولن داغلار آ داغلار

حجّین بناسی او یئرده اکیلدی
اسماعیل دی امتحانه چکیلدی
اؤنون عوضینه بیر قوچ کسیلدی
منادی من دئین داغلار آ داغلار

شوکر، توکل

شیرین سۆزلریمی نظامه چکیم
دئییم آلاسه توکل گلنه شوکر ایلاهی
دست خطیمیه کتابه کئچیم
یازیم آلاسه توکل گلنه شوکر ایلاهی

علمین طرفیندن بیر لذت یئدیم
بیلدیگیم سۆزلری بیر به بیر دئدیم
اوز قویوم بوسمت دیاره گئدیم
گئدیم آلاسه توکل گلنه شوکر ایلاهی

ائشیت بوسۆزلری من مسلمانان
باخمیشام سۆزونه کبیر اؤلانان
کئچهرم یولوندا بوشیرین جانان
کئچیم آلاسه توکل گلنه شوکر ایلاهی

من ده حق سۆزومو ائيله دیم بیان
دۆلوبدو ظولم ایلن بوکل جهان
دین اسلام یولوندا جانی قوربان
وئریم آلاسه توکل گلنه شوکر ایلاهی

هوش - باش

داغیلما ییب هوشوم باشیما جمع دی
دونیانین دؤلوسو دردا یله غم دی
عقل کی وار ظلمت ایچینده شمع دی
شعله سینی سؤزه چکن قلم دی

اؤلان اؤلور غصّه - خیال دیر عبت
کؤنلو ایسته یینه چاتما ییب هئچ کس
آرام و آسوده چکمه ییب نفس
هئی سالیبدی های - کوی چیخاردیددی سس

هنگامه قاپسین آچدی بیر دلی
ایسته دیکلرینه چاتمادی الی
سئلین کؤندمینه آخیتدی شلی
بیلدی خوشا گلمه لی بو عملی

بیرگول آچدی خندان اؤلور باغچادا
قورشاندی شهرته بسلندی آدا
ارک ائدیپ قوهوما سؤز آچما یادا
زمانه ده یوخدور یئتیشن دادا

نفسین ایستگینه عقل تؤولانماز
اوغورلوق اؤلما سا آت بی خولانماز
اودا قویمایان پیچاق سولانماز
اود توتار، کؤز سالار هئچ آلولانماز

ایلاهی

تانیدیم چون سنی، گتیردیم پناه
ائتمه منی اوزو قاره ایلاهی
گیزلی درد ایچینده بسکی یانمیشام
ائيله بو دردیمه چاره ایلاهی

خرجله دیم عؤمرومو هدر یئرله
ایندی گلدیم آه و زاره ایلاهی
مخلوقون گؤزوندن غایب اؤلانی
گینه گتیر آشکاره ایلاهی

شه دؤوران

داییم چکهرم حسرتینی ای شه دؤوران

ایران وطنیم دیر، یاتاغیم آذربایجان

تشریف گتیر ایندی زمانه سنی ایستیر

ظالم لر ائدیپ ظولمه بو اؤلکه نی ویران

زندان منه لازم دئی زندان دی دياريم

یاتماق منه لازم دئی ویران دی دياريم

باطن ده گولوش اؤلسا دا غملر بورویوبدور

باشدان باشا عؤمروم بؤیو آغلاردی دياريم

مسلم ابن عقیل

مسلم ده غریب اۆلدو
یالقیز یارالی یارب
ترک ائیلهدی دونیانی
هم اهل - عیالی یارب

بیر جوت بالاجا اۆغلان
ایلار چکین زندان
ترک ائیله یین حبسی
حارث ائلهدی قوربان

گۆرمکده باجی، آنا
باش، گۆز بلشیب قانا
اۆخشادی یانا - یانا:
«غریب ده اۆلن لای - لای -
محنت ده اۆلن لای - لای»

حبیب ابن مظاهر

دانیشاندا یا حبیبیم
دوداغیزدان بال سوزولدو
گوله بنزّر اهل بیئتیز
آچییان سۆلوب سوزولدو

کیمی نین کسیلدی باشی
کیمی نین قۆلو اوزولدو
کیمی قوسدو لاختا قانلار
کیمی زنداندا دوزولدو

وطنیندن کنار قالان
اوره گئینده یانار قالان
بوجاغیندا زندان لارین
گۆزو داییم آغلار قالان

ائل، اۆبادان آرالانان
جیگرلری یارالانان
ارییب زنداندا جسمی
رنگی - روفی قارالانان

گونش کیمی باتدی گئتدی
ایستگینه چاتدی گئتدی
قارا تورپاغین آلتینا
دونیانی آغلادتدی گئتدی

حسین (ع)

بی‌کس حسین جانیم
وئر سس حسین جانیم
آماده‌یم قارداش
بی‌کس حسین جانیم

عبّاس علمدارین
غیرت‌لی دلدارین
سقا سوسوز اؤلدو
اؤخشار عزادارین

چوئندی زمان چرخ
زیینب قالیر سنسیز
ویران اؤلان یوردو
غمملر آلیر سنسیز

شیعه فراقیندا
قان آغلیر داغیندا
سسلیر حسینیم وای
باشا چالیر سنسیز

زنگ آواز

هر طرفدن زنگ خوش آواز
طبیعتدن صدا گلدی؛ یاز
بولوت ائدیر هواده پرواز
آغلار - گولر آیی، گؤزل یاز

یازال چکیر باشا ائیلیر ناز
داغ ساوالان، چای اؤلا آراز
بالیق گؤلدن پیرین ائدیر باز
قانی ایلندی غسل و دستماز

کربلايه ییغیشدی کؤناز
حسینه عاق اؤلدو آنلاماز
عمر سعد اولدو پئشناماز
یولدان آزدی ناتاراز دمساز

قانلی محراب

ظالمه چون آیمه دین باش
محرابین قانه بویاندی
دین یولوندا سجده اوسته
ساققالین قانه بویاندی

احبابین قلبی دویونودو
دینیمیز سنه اویوندو
شیعه لر قاره گئیندی
احبابین قانه بویاندی

خیمه لر یاندی یاخیلدی
اونداکی مولا ییخیلدی
فرقینه شمشیر تاخیلدی
اصحابین قانه بویاندی

کربلا

کرب بلا قان دریاسی
آغلادیر دونیانی یاسی
حسین ین بیرجانی گئتدی

یزیدین ایکی دونیاسی
نئجه یوخ ایدی حیاسی

شمر کسدی حسین باشین
آغلادتدی او یثرین داشین
گۆز نلر تۆکدو گۆز یاشین

خراب اؤلئیدی بناسی
نئجه یوخ ایدی حیاسی!

علی نین قاپی سی یاندی
خانم زهرا یارالاندی
عمر فدک مولکون داندی

دئمهدی وئریب آتاسی؟
نئجه یوخ ایدی حیاسی!

یا حسین (ع)

شیعه‌لر گلدی گینه غمدن هرایه یاحسین (ع)
 گلمک ایسترلر اۇلار کرب بلایه یاحسین (ع)
 شیعه‌لردن کییمسه کی کرب بلانی گورمه ییب
 اۇلسه حسرت له گئدر عؤمرو فنایه یاحسین (ع)
 طبعیمه قدرت عطا ائت شعریمی تکمیل ائدیم
 بلکه خدمت ائیله ییم روز عزایه یاحسین (ع)
 سؤیله سین مداحلارین من یازدیغیم شعرى حزین
 واردی گورسونلر سنین عشقینده مایه یاحسین (ع)
 دردیمین درمانی سنسن، وار اوره کده آرزوم
 باشیما سال جان وئرن دم لرده سایه یاحسین (ع)
 چوخ چتین دی گلمه سن جانانه جان وئرمک منه
 چونکی یوخ منده توان روز جزایه یاحسین (ع)

یا زهرا

الیندن گئتدی پیغمبر
 زولفونو یۇلدون یازهرا
 نه گلدی آنا باشینا
 سارالیب سۇلدون یا زهرا
 گیزلین قالدی یارالارین
 یتیم اۇلدی بالالارین
 باغدا سۇلدی لالالارین
 چوخ مظلوم اۇلدون یا زهرا
 گلن اۇلمادی یاسینا
 قارا یاتدی لباسینا
 قوردوغو اۇد آراسینا
 دوشسون جلا دین یا زهرا

غملی ماجرا

پیغمبر اولوب فاطمه نین گولشنى سۇلدو
 اۇدلاندى على نین قاپىسى گۇر نەلر اۇلدو
 سیندی قاپىسى قويدولا دیوار آراسیندا
 زهرا مزاریندان هامیلار بى خبر اۇلدو
 آغلاردی اوشاقلار گئجه - گوندوز آنام ای وای
 گوندوز گونش اوزلوم گئجه اولدوز آنام ای وای
 عۇمرو آز اولان نیسگیلی یوز - یوز آنام ای وای
 بیتمز یارالارین گونی گوندن بتر اۇلدو
 باغلاندى على نین قۇلو گیزلندی شریعت
 حقى بوراخیب باطله دوزلندی جمعیت
 بیر نقشه چکیب ثانی ملعون آلا بیعت
 اسلام یولوندا تۇکولن قان هدر اۇلدو
 چوخ فرقه چیخیب دیر او گون اسلام آراسیندان
 بیر فرقه عۇمرچی بیرى بوبکر بیرى عثمان
 تا خانه نشین اۇلدو على ناطق قران
 یئتمیش ایکی فرقه آراسیندا کدر اۇلدو

غملی ماتم

کربلا چۇلو ظولم له دۇلوب
 یاتما شیعه باخ غملی ماتمه
 ظولم باش وئریدیر یزیددن
 قانلی دشت ده چاتدی خاتمه
 گئتدی اصغری هم ده اکبری
 قارداشی ابوالفضل دلاوری
 تک قالیب حسین یوخدو یاورى
 گرچی شهرتی چاتدی عالمه
 دئینه یا حسین اصغرین هانی
 قارداشین هانی اکبرین هانی
 اوچ یاشیندا مه پیکرین هانی
 آغلا شیعه بو یان دیران غمه

محرم

اولدو، محرم،
گۆز یاشی آخسین
وای حسین سسی
گۆی لره قالدخسین
قان اولان گۆزلر
بیزلره باخسین
بلکه حفظ اولاق
بیز بو بلادن
بیر نجات تاپاق
کرب بلادن
دوز شیعه اولاق
مظلوم حسین

آی شیعه لر توتون
حسینه عزانی
گۆز یاشی تۆکولر
گوناهی پوزانی
آلاه وئره جکدیر
چوخ بویوک جزانی

مگر شیعه لرین
الینی بوش ائیلر
حسینه آغلاماق
اودو خاموش ائیلر
حسین بیزه امام
بیز مأموم حسین

اوره ک دۆلوب غم ایله
اوخشاییم گۆزوم آغلا
کرب بلا غمین
ائیلمه دۆزوم آغلا
وصیت ائیله بیرم
من اوللم سۆزوم آغلا

پوزما بو حالتیمی
ساخلا قیامتہ جاق
حساب ائیله بونی بیر
بویوک امانته جاق
منیم ده نوکر لیگیم
اؤلسون معلوم حسین

اوره کلر قان اولدو یارب
کربلا ماجراسیندان
قیرمیزی لاله لر آچدی
شهیدلرین یاراسیندان
خانیم فاطمه ماتم لی
اؤغلو حسینین یاسیندان

اوچ گون ایستی قوم لار اوسته
قالدی حسینین بدنی
راوی دئییر بو قضیه
نئجه قان آغلادی منی
گۆرنه ظولم ائتدی کوفیان
امام معصوم حسین

عالم آغلایار

حالینا سنین عالم آغلایار
گاه غملی گاه بی غم آغلایار
شیعه لر عزاده جمع آغلایار
دردمندینه وئر شفا حسین

کسدی قارشینی خُر نامدار
جوور ائدیپ اوگون وئردی چوخ آزار
حق و باطلی گوردو آشکار
سندن اویرنییدی وفا حسین

خُطبه ده قُشون سالدی هلله
اصغره ووروب تیری حرمله
موشگولاتیمی یارب حل ائله
کونلومه اوزون وئر صفا حسین

کسدی باشینی شمر بی حیا
توتدو عالمی ماتم و عزا
گورمه میشدی کیم چون بئله جفا
آغلادی او گون اشقیا حسین

پیغمبر بالالاری

خلقت ده اول بیزیم پیغمبر
 هایاندا قالدی اللہ اکبر
 زمانه آغلار، داغلار سیزیلدار
 نه کامه یئتدی، گول اولدو پرپر

ایریلیغیندان اوره کله یاندى
 حسن زهر ایچدی جیگر دۇغراندی
 لای - لای حسینیم، لای - لای حسینیم
 حسینیه ساری خنجر سولاندی

اؤلدو پیغمبر بو گومان ایلن
 آزا چوخلاری بو قران ایلن
 مظلومیتین دوشدو یادیما
 اوخلاندی جنازه نه ده یا حسن

اؤلدو نیسگیلین یامان آغلارام
 نه دن آغزین اؤلدو قان، آغلارام
 یوخدو گونبذین یوخدو خادیمین
 آمان آغلارام، آمان آغلارام

گولوم گول

باتان گون گوله بنزر
 گولو سئوگیله بنزر
 عزیزیم، مهربانیم
 دئمم گول گوله بنزر

دَرَن گوللر من ده دی
 اکمیشم چمنده دی
 گل گئدک نشان وئیریم
 گوللر منده - منده دی

قیزیل گول پَرَم - پَرَم
 قانادلاریندا پَرَم
 بو سؤزلری سؤیله یین
 دوداقلاردان اوپَرَم

گول من ده منده - منده
 گوللر آچیب چمنده
 بولبول سئیره چیخاندا
 اجل سالدی کمنده

گونوم سنایله باتدی
داغلار گونوی یوباتدی
من سندن دؤنمزاییدیم
زمانه باشا چاتدی

زمانیم خوش گلییدی
گوناهدان بوش گلییدی
حسرتین چکن گونلر
اوزومه توش گلییدی

گئدن گون بیر ده گلمز
اغلارام هیچ کیم بیلمز
اوزده دئییب گولهرم
اینان اوره گیم گولمز

خوش گونلر هارا گئیدی
آغ گلدی قارا گئیدی
حسرت اؤدوندان یانان
اوره کلر یارا گئیدی

قوشا گئیدی

هدفلر بوشا گئیدی
تک گلدی قوشا گئیدی
هر گلن دؤور ووردو
آییلماز هوشا گئیدی

یامان دوشدوم دارا من
ائدئمهدیم چارا من
ایل گلدی باشا چاتدی
چاتانمادیم یارا من

قفسدن در آچایدیم
گویلره پر آچایدیم
حضورونا گلنده
آیاقلین سر آچایدیم

پر عشقینده دؤلاننام
گؤزل رنگه بویاننام
یا گوللردن عطر آلام
یا دا اؤدلارا یاننام

گل کئچک بو داغلاردان
 گول دَرک بوداقلاردان
 قورخورام اجل یئته
 بیز اؤتک بو داغلاردان

آل دسته گولو مندن
 اولاق سئوگیلی سنلن
 دوز محبت اؤدونون
 سؤنمز قور - کؤزو چندن

جمالین آیا بنر
 آلا! دیمه سین نظر
 اوو کیمی اووچو سنین
 بیل کی دالینجا گرر

بودور منظوروم آلاه
 یوخ صبر و زوروم آلاه
 قالدیم جلد الینده
 بؤشدور حضوروم آلاه

بنده، بنده

بنده یه پناه گتدیم
 باغلادی بنده، بنده
 درده درمان ائیلهدی
 او دا دؤندو بیر درده

آغلاماقدان گؤز یاشیم
 دؤندو قانه گؤز یاشیم
 قلیمیم اؤدو سؤنمور
 گلیمیر سانه گؤز یاشیم

گل طبییم داده گل
 قالیشام بوراده گل
 درمان دا ائیلهمه سن
 اقلا دور ساده گل

یاندیم آخ! درده یاندیم
 آیشدیم بیر ده یاندیم
 دوشدوم قارا زندانا
 نه چیخدیم نه دایاندیم

عزیزیم گولن آغلار
 غصه سیز گولن، آغلار
 آغلاما گولن گؤزلر
 دئممه کی گولن آغلار

آی - اولدوز

آلما آتدیم حووضا
گئتدی دیدی اولدوزا
سن یازان منه قبول
من یازانی کیم پوزا؟

آغ دوه نسی بزره رم
سوار اولوب گزره رم
سن دوزنمه یین یئرده
ناچارام من دوزهرم

آذربایجان مارالی
گزمه مندن آرالی
دردینه دوزنمیرم
نه ملیرسن یارالی

جانیم درمه گوللری
اینجیتمه بولبوللری
یولداشی یولون گوزلور
توکسون شیرین دیللری

آلمانی آتدیم آیا
گئتدی دوشدو دریایا
جوان عؤمروم قورتولدو
گونلری سایا - سایا

گوله سن

کونلوم ایستیر گوله سن
بنزیه سن گوله سن
گوروم خوشبخت اولسان
یئتیشدین سئوگیله سن

گل باغا قاراگیله
اوزوم در قاراگیله
یاری سین بیزه گونددر
یاری سین قاراگیله!

عزیزیم گوزون قارا
گوزلرین سالما قارا
دوست اینجیتسه دوز - دایان
اوز وئرمه یاد، اغیارا

قرانی آیه، آیه
اوخو، گلمه سین سایه
علمی اؤرا چاتدیرکی
باشینا سالسین سایه

قاچما مندن

عزیزیم قاچما مندن
اؤوکیمی قاچما مندن
اؤزگه دن اینجیینه
آجیغین آچما مندن

عزیزیم آتما منی
گول تک ساراتما منی
من سنین عاشقینم
اؤزگه یه قاتما منی

من زرگرم سن ده زر
ائیلمه مندن حذر
سن لاله سن من ده نور
هر هارا وارساق بزّر

من زرگرم سن زرسن
پامبیق ایچره گزرسن
پادشاهلارین تاجی
گلیلن لری بزرسن

گول، چمن، یاز

گل گؤزل یاریم
گوللو باهاریم
سنسیز قارادیر
گون، روزگاریم

گول منده - منده
بولبول چمنده
سنده دی درمان
من دردمنده

باهار سوسنی
هارد ا گؤرسنی
آرام اولمارام
گؤرمه سم سنی

بلور پیاله
ایچینه لاله
ایشیق سالماسان
گلمه رم حاله

اولما آغلادان
صاف اول آینادان
ایسته مم سنی
اولسون آلدادان

آغاجدان آلما
در یئره سالما
منی ساراتدین
اؤزون ساراتما

یارپاغی گوی دوز
گولو آغ، قیرمیز
کسیلیر صبریم
ساری سونبولسوز

نصیحتی قان
اؤزوندن اوتان
هر ایشده فیکر ائت
بیر آزجا یوبان

مجلسه وارسان
جمعده یارسان
دوز اؤتور، دانیش
نییه لاخلارسان

شوخلوق بیر آچار
چوخ دیلی آچار
زیان توخومو
هر یارپاق آچار

دره لر داش دره لر
گوللرین یاش دره لر
داشلارین یوندورولار
ائولره داش دره لر

آخ فلک

کئچدی گونوم آخ فلک
دوشدوم درده آغلارام
درد و غمه هن دئدیم
اؤلدوم برده آغلارام

یؤرقونام، یارالی یام
ائلیمدن آرالی یام
بیلن یوخ هارالی یام
غریب یئرده آغلارام

خرابه یئر - مکانیم
نه ایلیگیم نه قانیم
چیخسا بو یئرده جانیم
اؤللم بیر ده آغلارام

تیر، کمان

ایسترسن گؤزل اؤخو
شعر اؤخو، غزل اؤخو
شکار الدن گئنده جک
چپ وورسان ازل اؤخو

عزیزیم آقا دایی
دیره مه داغا دایی
قئیر باغلا چمنه
دؤندر سین آتا دایی

داغ دوز

داغدان اوجا داغ گوردوم
 اتگینده باغ گوردوم
 دولانیردیم او باغی
 گوللرینی آغ گوردوم

دوزدن آرتیق دوز گوردوم
 دوزده بیر اوکوز گوردوم
 آلنیندا آغ قاشقاسی
 بیرجه دری، یاغ گوردوم

چای دان سولو چای گوردوم
 بیرین اونا تاي گوردوم
 چایلارین کمرینده
 داشدان نئچه تاغ گوردوم

دامن

ال آتدیم بیر دامنه
 اولوم اولماسا منه
 آلاهیما یالوارام
 او وئرر شفا منه

خوش گونلر گوله بنزَر
 اوز گولسه گوله بنزَر
 غصّه دن آدام اولمز
 بیر سولان گوله بنزَر

اوددا یانماز سو، قئینر
 اودون یانار سو، قئینر
 دیش تئوکولدو نئینه دی
 ساققال آغارسا نئینر

نامرد

هارادان هارا گلدیم
 یارانیدیم هارا گلدیم
 نامرده بلی دئدیم
 الیندن زارا گلدیم

سولار چوخورا آخار
 گؤزلر ایشیقا باخار
 توتما نامرد الیندن
 اوزونه قارایا خار

عزیزیم اولما نامرد
 مرد اولسان اولما نامرد
 دوست اولسان مرد ایلن اول
 دوشمن اول اولسا نامرد

مرد ایگید مین لر دانا
 ییغیش گتیر میدانا
 یاغی جنگه دوراندا
 قسیر نامردی مردانا

یتیم

یتیم قارالی یام
اسیرم یارالی یام
اۆلسم ده بیلن اۆلماز
وطن دن آرالی یام

عزیزیم قوْشا داغلار
سیئمه قوْشا داغ وار
قلبیمین اؤدو سؤنمز
یئسم ده قوْشا داغ قار

ال آتدیم بیر اتگه
آری قوْندو پئتگه
اۆلمه دیم اسیر اۆلدم
قالدیم دانلاق، کوْتگه

گوْز دۆلار نه دن آغلار
غم و غصّه دن آغلار
ایرلیق یامان اۆلی
روح چیخار بدن آغلار

دۆلویدور داشار کاسا
باخمازلار بو اساسا
قورخورام دوشم اۆلم
شاد گونوم دؤنه یاسا

رنگارنگ

یاز گلیر بولودایله
جور به جور سرودایله
یئر اوزون گئییندیریر
الوان گول وجودایله

عزیزیم گول آغلاما
سوسن سونبول آغلاما
عؤمور کئچر گون دورماز
اؤخو بولبول آغلاما

بو داغلار گول یئتیریر
دانه دن گول بیتیریر
قار یاغار اریر گئدر
یئرینده گول تیتیریر

باهار فصلی گوله نه
بولبوله نه، گوله نه
سؤز دئییل فایدا وئرسین
آغلایانا، گوْلنه

میرواری

باهار گۆز لرین گۆیدو
سنى آغلادان گۆی دو
بىلمیرم بونه ایشدی
دۆلو باشینا دۆیدو

یای رنگین قیرمیزی دی
هامی سندن راضی دی
یازدان تحویل آlanda
محصولاتین آزی دی

پاییز، ساققالین ساری
نه دوزوبسن میرواری
سندن سونرا دا قیش دی
اۇ دا بیر قسوجا قاری

قیش آغ ساققال کیشی دی
مخلوقاتی اوشودی
هر زادی مخفی ائتمک
بیرجه اؤنون ایشی دی

هوروک

دوردوم مئشه ده قالام
آغی پلنگدن قورخدوم
قالخدیم آغا جا چیخدیم
یوخونو، یاخینی، یوخ اؤنو گۆردوم

تئز سوزولدوم دریایه
دوشدو اوستومه سایه
چکدی منی هاوایه
هاوانی، دغانی، بولدو قووانی گۆردوم

یاغدیردی منی داغا
آخدیم سویونان باغا
چیخدیم سودان قیراغا
قوراغی، سوداغی دولانیدی، بوداغی سئودیم

گوردوم نه گول و گولزار
یوخدو کثافت، آزار
آچدی اوزومه بازار
بازاری، آزاری، گولشنى، گولزاری سئودیم

سئویندیم گون باتاندا

آغزیم سویا چاتاندا

قورخدوم شفق آتاندا

صبح آتان، آی باتان، ایشیمه خال قاتان دویدم

باخدیم عرش خدایه

یالواردیم تعالایه

ساخلا ما منی یایه

ایستی یای، قورو چای، ایسته مم بونا تای دویدم

ااشیتدیم قاغ ها قاغی

گوردوم گون چیخان داغی

گون نورو اؤتدی باغی

باغلاری، تاغلاری، چوخ اوجا داغلاری سئویدیم

ائتدی باغی شعله ور

آچدی رنگ به رنگ گوللر

او خورشیده بولبوللر

چوخ گوئل، سن ازل، خالق لم یزل، سئویدیم

سلامت، کرامت

دونیا یا گلدی ائکیز

بیری اوغان، بیری قیز

ننه لرلی گوردو اوز

سودون وئردی اوغانا

قیزین آتدی اویانا

سم وئردی یئمهدی

قیزی سالدی قار اوسته

اوغان دا اولدو خسته

ائل گلدی دسته - دسته

اوغان گئتدی الیندن

قیز آسلاندى تئلیندن

ها اول دئدی، اولمه دی

ماشین آتدی یئل ییخدی

قویویا دوشدو چیخدی

سئل چکدی کورپو سیخدی

باخ آلاهیین ایشینه

بلا هرچی ائشینه

قسمت نه دیر اولاجاق

حسد اۇدو جالاندى
قۇور آتدى اۋزو ياندى
قابار چالدى سولاندى

رحمان آللاه ساخلادى
خـطانى آياقلادى
قورتولدو قالدى سالم

ھەر كسبە ائتدى وفا
عوضين گۇردو جفا
درد چكدى تاپدى شفا

ياخشى گونلرە چاتدى
خوش بختينە غم قاتدى
دوست، دوشمنين بيلمەدى

بو بىر درس عبرتدى
چوخ شيريندى لذتدى
شاعر تعبيرين گتدى

يون داراقدان كچچەك
اۇراق اكين بيچچەك
سۇز تامامدى والسلام

خسته تۇزو

گئت دئينه آغلاما جانيم
سینهنى داغلاما جانيم
اۇلورم گل باشيم اوسته
گۇزومو باغلاما جانيم

خسته ليک تۇزو اوزومده
اثرى واردير سۇزومده
من سنى گۇرمه ميش اۇلسم
آرزوم قىلار گۇزومده

جوان عۇمروم يالان اۇلار
سۇز ھميشه قالان اۇلار
من يازيق ناکامل اۇلسم
بو وار - يوخدوم تالان اۇلار

گۇزلريم يولوندا قالدى
اجل باشيم اوستون آلدی
ايشيق گونلر هارا گئتدى
منيم عالميم قارالدى

گۇزللرين ناب گۇزوسن
عزیز دوستوم سن اۇزوسن
من كى سنسيز دۇزنميرم
سن من سيز نجه دۇزوسن

ننه بالا

قیزیل گول عروس قیرمیز
تئز گل منی قویما یالقیز
من آی اؤلوم سن ده اولدوز
سنلن دۇلانا، دۇلانا

عاشقم قارا گۆزونه
فئر ساچین گولر اوزونه
گل چیخاق سئیران دوزونه
سنلن دۇلانا، دۇلانا

مایلام گول دوداغینا
قاش گۆزونه یاناغینا
گل چیخاق جئیران داغینا
سنلن دۇلانا، دۇلانا

گئیین آل - الوان قوماشا
بو یونا ائدیم تاماشا
بو اۆلکهنی باشدان باشا
سنلن دۇلانا، دۇلانا

آل قیزیل گول بوداغینی
خوش گۆتور قوی آياغینی
گۆزک گولستان باغینی
سنلن دۇلانا، دۇلانا

آی کیمی چیخ یانی - یانی
شوقون بوروسون هریانی
مینک گمی یه دریانی
سنلن دۇلانا، دۇلانا

دویونلمه آهی آهه
کهلیک تکین گل قاه قاهه
گل چیخاق گۆی چمن گاهه
سنلن دۇلانا، دۇلانا

ائتمه گینه آه و زاری
گل دۇلانا، بو گولزاری
بو میدانی بو بازار
سنلن دۇلانا، دۇلانا

ائیش، یوققوش

گۆیّر درمان آجی
اولار دردلرین علاجی
غم یئمیین قارداش، باجی

بو دونسیانین ایشی بودو
ائیشی، یوققوشو بودو

دئییم سیزه بو دور سۆزوم
آلاه وئرسین سیزه دۆزوم
سیزه غمخوار اۆللام اوزوم

دونسیانین گردشی بودو
ائیشی، یوققوشو بودو

دوست یار

یارحسرتین چکن گؤزل
گل بویانه گل بویانه
دؤنوبدو اوره گیم قانه
گل بویانه، گل بویانه

دردینی دئ من آغلاييم
یارانا مرحم باغلاييم
سنی هاردان سؤراغلاييم
گل بویانه، گل بویانه

سبب سلطانندی هر زمان
ایسته دیگیم سنسن همان
عؤمروم سنسيز کئچدی یامان
گل بویانه، گل بویانه

الماس اوزوک قاشی یاقوت
یامان گونده الیمدن توت
دوستو تانی یادی اونوت
گل بویانه، گل بویانه

گلین نعمت، گئتسین قادا
نمازی ائلدنده ادا
جورو بارماق سنه فدا
گل بویانه، گل بویانه

ایگید یاشی

دؤلاندا ایگید یاشینا
چیخدیم داغلارین باشینا
باغلادیم بئلیمه شمشیر
گئتدیم دوشمان ساواشینا

سالما بو میداننه آتین
قیررام بؤینون قول - قاناتین
سررم نعشین بو میداندا
اؤلسان دا نادر، افلاطون

بو اؤخلار باغریما دیدی
غصه لر قدیمی آیدی
پادشاهسيز مملکته
صاحب دوران خان دی بیگدی

غملی اؤلان قارا باغلار
جراح اؤلان یارا باغلار
عادل اؤلان حاکیم اؤلسا
ظولملری دارا باغلار

آرزولاریم یالان اؤلدو
ائویم اوچدو تالان اؤلدو
قیلیچ یاراسی توختادی
دیل یاراسی قالان اؤلدو

قانا - قانا

ال اوزاتدیم سار آلمایا
یئیم رنگیم سارالمایا
ایچی کئچیب، قابیقلاری
زیبیل لیکده سار آلمایا

سویو ایچین قانا - قانا
سۆز ائشیدین قانا - قانا
هاوادی کی قان یاغمادی
یئر باتیبدی قانا، قانا

اؤتورولدو طوطی الیمدن
قاپدی یئدی توتی الیمدن
بئل باغلاما بی وفایه
دئمه گنین توت الیمدن

ای یارادان قیش قارینی
اؤزون دؤیور بۆش قارینی
قویما نامرد عؤمورونده
هئچ مریضی هئچ قارینی

گوللو باغلار یازدا گولر
خوش اولاندا قاز دا گولر
عار - ناموسون بیلمه یئنده
توپورولموش اوزده گولر

بايقوش

بايقوش اولار گئجه وقتى
هانى سليمانين تختى
هانى ظاليم پادشاهلار
اولدو دونيانين بدبختى

آچ گۆزلرين جهانہ باخ
آلاھا، امتحانہ باخ
کئچر دؤوران بئلہ قالماز
شوکت سلیمانہ باخ

گئدين انبيايه طرف
اؤلماين دونيايه هدف
بئجّرر فرعون کیمی
ائيله یئر درياده تلف

حیرص، یانار اؤدا بنزّر
همی خئیپردی هم خطر
هر کس اولسا ایکی اوزلو
رضاسیز هر زاددان کئچر

توبه ائيله وسوسه نی
یارات وسوسه کسه نی
اؤلدور شیطان وسوسه سین
چولقامامیش وسواس سنی

قازان

عاشق اۆلماز دیلی باغلی
سۆزو گۆز گۆزو آغلی
قورخورام کی دوشم اۆلم
قلیم قالا داغلی، داغلی

نەدن اۆلدوز قورو داغلار
سولاریز شور، دورو داغلار
دولانیدیردیز دوز ائیلەدیز
گوندن گلن نورو داغلار

خزان اۆلماز سولو باغلار
کولک قالخسا یولو باغلار
مسافر سفر ائندن ده
دسمالینی دۆلو باغلار

اۆدون یانار قازان آغلار
سویو قاینار قازان آغلار
غربت یئرده اۆلن کسین
قبیرینی قازان آغلار

دعا

کۆمک ائیلە بار ایلاهی
پناهاگاهلار پناهاگاهی
بۆیوک لویونه باغیشلا
مندن اوز وئرن گوناھی

یاخشى اۆلسون عبادتیمیز
دوز اۆلسون عبادتیمیز
پاک ساخلا هر گوناها لاردان
حق اۆلسون شهادتیمیز

کسمه بیزدن حمایتین
بۆللو - بۆللو محبتین
قسمت ائیلە بیزلر ده
قیامتین شفاعتین

سالم بلور شار ائیلەین
خالص پُرفشار ائیلەین
بو پاک حالتده صافلیقدا
همیشه یاشار ائیلەین

ایتنی قمه

ایسمده وار ایتنی قمه
حیر صلی یم گلمه کؤندهمه
فایدا وئرمز چای لار دئممه
یاغیش ایستر دامجی - دامجی

سن دئیلسن منه لایق
قسمت ائیله ییبدی خالیق
اوزون آغدی ایچین یانیق
خراب دیش سن سانجی - سانجی

ایستیر ائده خطا کؤنلوم
چکیب سنی آتا کؤنلوم
راحت لیگه چاتا کؤنلوم
بال مئیل ائده یاخجی - یاخجی!

قۇجا باغوان

گۆردوم بیر قۇجا باغوانی
دئیر ای گولون خندانى
عۇمورون یورغون زامانى
درویش و سلطان بئله دی

آلاه امری ایله یاران دیم
بئنه الی ایله تالان دیم
گۆردو یومدن عبرت آن دیم
ورزش و میزان بئله دی

بیر آغلایان بیر گوله جی
گول بوداغدا اوزوله جی
جمع یارانمیش اوله جی
گرددش فرمان بئله دی

بوداغلارین یوخدو سانی
اوره کده یان دیریر قانی
دؤزنمه یین نئیلر یانی
چرخش دؤوران بئله دی

آخر چرشنبه

گیزلین دۆسلاری ایل به ایل
ائیلرسن ظاهر چرشنبه
توتارلار هر یئرده عزیز
گولرسن آخر چرشنبه

اۆلدو گونلرین سرداری
گتدی صدای باهاری
بزیر ائولری بازاری
گول کیمی آچیر چرشنبه

آتیل - پاتیل دی چایلاری
پیتیل - پاتیل دی پایلاری
پوفله سه کوله یی، قاری
پوزولور ساسیر چرشنبه

یباخینلار اوزاقلاری
سئویندیرر اوشاقلاری
عزیز - عزیز قوناقلاری
دایانمیر قاچیر چرشنبه

کیشی ونداره یاندیری
آروادلار چسینه تندیری
اوشاقلار قورشاق اندیری
کیم سالار آچار چرشنبه

بو یانه گل

گؤزلیکده یوخدو تایین
پروردگار وئریب پایین
یئتیشبیدیر گونون، آیین

بو یانه گل، بو یانه گل
دیندیریم بیانه گل
دنلی تئلی ساری سونبول

دوشمه دالینجا بئکارین
آرتیرما دردین، آزارین
یول گؤزلور مهربان تارین

بو یانه گل، بو یانه گل
دیندیریم بیانه گل
یولون آزان غافل انسان

مسکنیم بهشت باغی دی
عروس، داماد اوتاغی دی
عومورون یاخشی چاغی دی

بو یانه گل بو یانه گل
دیندیریم بیانه گل
گوزل بختیم، تاج و تختیم

الوار سفلی

ياشا الوار، ياشا الوار
بهره گۆتور خالوار - خالوار
اهل الوار ربّه يالوار

چوخ ياشاسين جوانلارين
نابود اولسون دانانلارين
كربلايه كروانلارين

يايلىسين جهانة آدين
كربلادن آل مُرادين
جوان، قوجا، قارى، قادين

اوزاقلاشسين بلا سندن
يؤل آشسين كربلا سندن

بيرده دوشسون يولا سندن
يؤل آشسين كربلا سندن

دوشسون دالبادالا سندن
يؤل آشسين كربلا سندن

عشق اودو

دوشدوم عشق اودونا يارب
يانماغا ناتوانم من
قورتار منى يانار اوددان
حئيفم نوجوانم من

آغلارام گۆزياشيم آخار
سئل اولار سدلىرى ييخار
داليسيندان قاطار چيخار
دوزه گلسه سروانم من

دانيشديغيم تاي باشى دى
اوخودوغوم باش داشى دى
قلم منه سير داشى دى
يازماغا چوخ روانم من

سؤزلريمده آديم آزدى
من سؤيلهديم قلم يازدى
تحويل وئرن خوش آوازدى
يالانچىنى بوغانم من

سؤزومو اوخويان عاشيق
گرك اولاه حقه لاييق
ديسنلنمه يه داراناليق
بى حيانى قووانم من

اؤخومايا هرزه - هرزه
يازارام آغاما عرضه
سالارام جانينا لرزه
يىخماغا پهلوانم من

ظالم لر خايين اولدوم
قُران دا عزاين اولدوم
علومه خزاين اولدوم
بو سؤزومه عنوانم من

ياره ايندى

قوجاليغين دوزون دادديم
آلاهيْن اذنى ايله آتديم
گئجه لرى يالقيز ياتديم
يشتيرميشم ياره ايندى

سالم اول جسميم، انداميم
اليْمده وار قيزيل جاميم
دۇلانىدى گلىدى اياميم
گلميشم ايلقاره ايندى

جانيم سندن ال اوزمه رم
سنسيز دۇلانيب گزمه رم
يامان گونونه دؤزمه رم
اليْمده وار چاره ايندى

حاشا

سير - سؤزونو دئمه يادا
وار - يۇخونو وئرمه يادا
چاليش گيلن بو دونيادا
اثل - طاي فاندان كنار اولما

باشيني چالما داغ - داشا
قۇشولما قولدور، عياشا
كئچن عؤمور بيرده حاشا
قاييتماز، دور بشكار اولما

كسمه ايگيدلر قاباغين
يانديرما شيطان اوجاغين
سؤندورمه حقيْن چراغين
باطيل يۇلدا معيار اولما

پریشان

غم یئمه دیوانه کؤنلوم
غم یئسن، غم یئیر سنی
مهربان دیندیر هر کسی
مهربان دیندیرر سنی

عُریانا پالتار گئیندیر
پیاده‌نی آتا میندیر
پریشان قلبی سئویندیر
آللاه سئویندیرر سنی

پولی پول اوسته قالاندیر
یوخسوللاری دالدا لاندیر
حق پرچمین اوجا لاندیر
حق قوت لندیرر سنی

آه، ناله

قالباغینی کسن جوان
قوجالیغا باش آییددی
ایلشیددی بیر گوشه‌یه
آیباغینا داش دَییددی

چکر ناله، چکر آهی
وجودونون یوخدو ساهی
آتیددی دیشی، تاماهی
دوزلو بولاماش یئیبیدی

آغلار گئجه، آغلار گوندوز
نه آی بیلر نه ده اولدوز
بیر گوشه‌ده قالیب یالقیز
اؤلومه، ای کاش دئییددی

غملی بولبول

دوشدوم عشق اؤدونا یارب
اوز سئوگیلیمدن آیریلدیم
بیر بولبولم دار قفس ده
قیزیل گولومدن آیریلدیم

اوزاق دوشدوم او دیاردان
گدیکلر باغلاندی قاردان
گیلئی لی‌یم روزگاردان
شیرین دیلیمدن آیریلدیم

سؤزومو سؤیله‌رم داغا
گوئی دن یاغیش یاغا - یاغا
وطندن دوشدم اوزاغا
طایفا - ائلیمدن آیریلدیم

نوروز

بسايرام گلیری قباقد
یئددی لوغون وار تاباقد
یئ دادی قالسین داماقدا

اثللر چیخسینلار گؤروشه
یاخشی لیق لار اولسون پئشه

یاز آچیلیر گوله گوله
گوللرینی تاخیر تئله
پيله قوردو توخور پيله

خانیم لاری گئیندیر سین
آغالاری سئویندیر سین

گول بولبوله ناز ائله ییر
بولبول خوش آواز ائله ییر
خوش آوازی ساز ائله ییر

عاشیق لارین سینه سینده
ایگیدلرین کونه سینده

گول آچار شیپور چتیری
دیپینده میوه گتیری
دانه سی مثلین یئتیری

طبیعتین قوجاغیندا
دره - دوزونده، داغیندا

اٲو، ائشیک لر خوش بزه نر
نوروز سفره سی دؤشه نر
آجیل، شیرینی لر گؤرسه نر

یئددی «سین» آینا قباقد
گؤر نه صفا وار او واقدا

کولک قالخدی شپه ووردو
قار قووزاندی یئری هوردو
قورد اولادی، ایتلر هوردو

آیازیدی آی ایشیغی
اولدوزلار گؤی یاراشیغی

قیرمیزی بیبر

گؤرمه میشدن آلدیم سنی
بیلیردیم آجی دیلترین
یاندریری اوره گیمی
هر زادا راجع دیلترین

قلیم اولوب غم خاناسی
یوخدور تاپیلماز چاراسی
مئی یانیندا پیالاسی
اولماز علاجی دیلترین

آغا جان

باھار گلیر یاواش - یاواش
کردی چکک، اکک آغاش
ائولرہ سالما یاق ساواش

آنامیز مہربان اؤلسون
جان آنایا قوربان اؤلسون

قوربانلیغی کسک بئله
اتینی پایایاق ائله
بیر ده گتیرمہ یک دیلہ

قوربانیمیز قبول اؤلسون
جیییمیز دؤلو پول اؤلسون

چیخاق بازارا دؤلاناق
اوشاقلارا گت، دؤن آلاق
گئندندہ قونشویا قوناق

اوشاق گئینسین شاد اؤلسون
قبر ائویمیز آباد اؤلسون

آمان دی

شیطان دی آلاھدان قاچان
قاچما آماندی، آماندی
ہمیشہ لیک اؤددا یانان
یانما آماندی، آماندی

باخانلار شیطان سؤزونہ
دوشسر اؤدا اؤز - اؤزونہ
گولمہ نادانلار اوزونہ
گولمہ آماندی، آماندی

گئتمہ غفلت یوخوسونا
ساخلاما ایشینی سؤنا
دوشرسن غضب یؤلونا
دوشمہ آماندی، آماندی

ائیلیمہ حقّہ خیانت
گئوسترمہ زور و عداوت
چکرسن آخیردہ ذلت
چکیمہ آماندی، آماندی

توتما بی دینلر یؤللارین
چالیمہ یورما قؤلارین
ایچرسن زوققوم سولارین
ایچمہ آماندی، آماندی

حق سؤزومو وئردیم باشا
حق دی یازیلین داغ - داشا
آخسین چایلار داشا - داشا
دریا عمّاندی، عمّاندی

آخر افطار

یئیشدیک آخیر افطارا
اۋروجلوغون تمامی دی
اۋروجونو باشا وئرن
آلاهیین غلامی دی

باخین آش، پیشمیشه، چایا
دویو اوزوند لوبیایا
مسلمانلار باخین آیا
صباح فطیر بایرامی دی

ایمان آباد، قارین آزاد
گۈزلر ایشیق، کۈنوللر شاد
سحر، دۈست، دۈستون ائیلر یاد
چون سنت اسلامی دی

سؤیلهیین قران دان شیرین
سئویملی ایشلرین یثرین
سو جوشان چشمه دن سرین
مسلمانین سلامی دی

دریا

اۋزومو دریایه آتدیم
اشگیمی، سویونا قاتدیم
اوزدوم دولاندیم اوزونده
اوخ کیمی گۈزونه باتدیم

دریا، دریا، درین دریا
سولاری شور، سرین دریا
آچیلسا گۈزلرین دریا
گۈررسن کی هارا چاتدیم

سالدیم کمنده دریانی
قوزاندی باسادی هریانی
غرق ائله دی بو دونیانی
قانیمی سویونا قاتدیم

رمضان

سلام اؤلسون رمضان
سئویملی مؤمن انسانه
اؤروجلوق آیی قوناغیق
بیزی یوخدان یارادانه

دوراق آیاغا اؤباشدان
نیتین ائیله یک باشدان
یئیک، ایچک سودان آشدان
اؤتوز گونو وئرک سانه

بو آی مبارک بیر آی دی
یوخلایانلارا بیرپای دی
اییلماسا بیئینی ضای دی
لکه سالار مسلمان

صالح

صبرایله گزر دؤوران
داشلاری ازر دؤوران
بیر یئری خراب ائیلر
بیر یئری بز دؤوران

عملین صالح ائیله
نیتین خالص ائیله
اؤلومه، قیامته
اؤزونو حاضر ائیله

حؤکم لر شاهدان اؤلار
قورخو گوناھدان اؤلار
ایرلیق یامان اؤلار
اؤدا آلاھدان اؤلار

بیلمه دیم باشا بلا
گلمه سین باشا بلا
قالدیقجا شدت ائیلر
دؤنسر اؤد داشا بلا

توبه

توبه ائىدىن پىس عملين
 اۆدوركى پىسلىكدن قۇرخا
 بىللمەين ياخشى عملين
 اۆدور ياخشى لىقدان قۇرخا

ای دونیانی مسلمانى
 شیطان آلدادار انسانى
 آلاه سئور دوز ایمانى
 دوزگون ایمانیدان قۇرخا

حقیقته اۆلان باغلى
 آزماز هئچ زاماندا عاغلى
 سینهسى ده اۆلسا داغلى
 گرک آلاهیندان قورخا

دسته - دسته

قوشلار گزرر دسته - دسته
 باهار فصلی، باهار فصلی
 آچیلان الوان گوللری
 بزرر فصلی، بزرر فصلی

دریادا سو دالغا - دالغا
 دالغالانار حالقا - حالقا
 قالخ یش اوزون چولقا - چولقا
 بۇغ فسادى، بۇغ فسادى

عاشق آغلار یانا - یانا
 اشگی آخار دانا - دانا
 ائشیت سؤزو قانا - قانا
 قانلی باغریم، قانلی باغریم

دوهریم قاطار - قاطار
 جنسی گتیر آپار - آپار
 غم چکمه نسامرده مرده
 روزوسونو تاپار - تاپار

سولار گلیر داشا - داشا
 سس وئیر قارداش، قارداش
 بیر بیرینه یاشا - یاشا
 وار صداسی، وار صداسی

دوست، دوشمن

دوست کیمدی دوشمان کیمدی،
هـایانندان تانیماق اولا؟
قلبی گیزلین شیرین دیل،
اوز خبوش گولش آغ اولا.

دؤرد امانت تاپیشیر،
اؤزون ده کـناردا دور؛
تانیماقا یول بودور،
حتّی کی اوشاق اولا.

دوستلار سلامت قالا،
خیر ایشلره ال چالا،
بـنـدهـنین سـلامـینی،
آلماقا مشـتاق اولا.

فرج

ای آلاهیـن فرمانی گل
جوانلیق سنّ و سالیندا
گل دردیمن درمانی گل
قویما مریضلیک حالیندا

زیان وثرمز حق سئوداسی
اؤروج نمازین اداسی
اوللام سؤزلرین فداسی
دوررام نمازه دالیندا

عاشیقم اؤددا یانارام
ساعاتلاریمی سنانارام
پـر آجـسام باغدا قۇنارام
گول اوسته غنچه حالیندا

خندان

گولدوم گول خندانایلن
چالیشدیم جسم و جانایلن
بدبخت ایدیم دونیاده من
خوش بخت اولدو قرانایلن

بـلـشـمـیـشـدـیم چیرکین لیگه
پاکالدید دوز ایمانایلن
دوشمنایلن جنگ ائیله دیدیم
دینی سوواردیم قانایلن

محکم دایاندید سر به سر
چالدید نفس شیطانایلن
باش آیمه رم ناحقّه من
عؤمروم کئچسه زندانایلن

یاخشی دقت

سۆزو دئی تحویل آلینا
دقت وئر سۆزون دالینا
لۇغاز باز اولما عزیزیم
یانما اؤزگه بابالینا

بو دنیا تؤولار انسانی
ذلیل ائیلر عزیز جانى
غافل تۆکر ناحق قانى
آسان گلر خیالینا

جان قویما بهره سیز ایشه
بى مصرفلر یئیه شیشه
قورو اۇنلاری یئیتیشه
چاتا حد کمالینا

دنیا مالی هئچه بتدی
حسابین بیلسن اوچ قتدی
بیری حرام بیر درددی
جومان آزدی حالینا

بیری چوخلو گوناھی وار
گیزلینده پناهگاهی وار
ایشلریندن آگاهی وار
آشکار ائتسه وای حالینا

آواز

آلاهیم عزیز یارادیب
ذلیل ائتمه سم اوزومو
حقیقتاً کامل اؤلسام
هئچ زاد قاراتماز اوزومو

نه کی اکیب، دریب، ساتام
شراب ایچنه اوزومو
دؤلانیدیرا تحویل وئره
یارادانینا اوزومو

باغ یارانیب بولبول گوله
شور جۆشدورا آوازیمی
کؤراوغلو کیمی ایتیرم
قیرآتیمی، آیوازیمی

دوشمن لریم حمله ائده
خراب لایا ائویمیزی
دایانیب قاباغین آلام
قوربان ائیلهرم اوزومو

شیرین

عادل بنزَر شیرین سویا
بهشت ائیلر جهنمی
ظالم ده بنزَر شور سویا
هَارا دَیسه کسر نمی

فیزیل گول سانکی خوش اخلاق
چیرکین، کثافت بداخلاق
عیالینا وئرر طلاق
خاموش ائیلر یانان شمع

بداخلاق قدم گوئدوکجه
جهنمه یول اوئدوکجه
پیس ییسیلیگه هوردوکجه
قوزانار ظولمات پرچمی

بو دونیا بنزَر گیاه
یارپاغی دوزخه باها
میوه سی جنت طاها
نه نیسگیلی وار نه غمی

بو دونیانین لذت لری
بهشته یوخدو ثمری
عذاب سی دوزخدن جری
داماقدان گئتمز پیس طعمی

خطاب

او قَدر ائیلمه گونا
چیرکین گلسن خیالینا
یا نوکر اولسان یا شاه
ظولم ائتمه اهل - عیالینا

یارادانسیمیز تک آلاه
گره کدیر آپاراق پناه
اوزوموز اولمایا سیاه
دئییه: بندهم خوش حالینا

توولار بو دونیانین ایشی
آلار اللردن ارزیشی
آلاه بویوروبدور: کیشی -
زینت وئرمه جمالینا

دانیشاندا آرام دانیش
ادبلی اولماغا چالیش
گنج ساواشسان دا تنز باریش
عفوی گلسن بابالینا

بو سؤزلر خطاب اولوندو
یازیلدی کتاب اولوندو
ایری یه عتاب اولوندو
حرام قاتما حلالینا

حق باده‌سی

او زادکی واردی دنیاده
یوخدو بهشت اعلاده
حق الی ایله ایچن باده
عاجز قالماز سؤز دمینه

حق سؤزلر باطلی کسر
حق بایراغی داییم آسر
دونیای عالم سر به سر
اؤلار زیر پرچمینده

ایستی سی داشی یاندرار
سویوغو نه‌ری دوندورار
نفسی داغی سیندرار
دولانار شعر عالمینده

آچاق کؤنلو قضا توتماز
هر اؤلنه عزا توتماز
خبرچینین قضا توتماز
بیرین بوراخماز جمعینده

اوره‌گیندن بخار قالخار
یاغار مغزه سولار آخار
دانه بیتر بیتگی چیخار
گوللر آچار گؤرکمینده

جفا

دونیا جفاسی، جفاسی
دئیلین بو شئرده، شئرده
یوخدور وفاسی، وفاسی
سالدی منی درد، درده

گونوم کئچدی قاره، قاره
اوره‌گیمی یاره، یاره
اؤلماسا دردیمه چاره
اؤللم آخیرده، آخیرده

مرگیم یازا، یازا
کئچن لری پوزا، پوزا
مزاریمی قازا، قازا
یاتدیم قبیرده، قبیرده

هردن منی یاد ائیله‌یین
اوره‌گیمی شاد ائیله‌یین
یوردومو آباد ائیله‌یین
دورام قیامتده بئیرده

آزاد

آسان دی آزاد یالوارماق
 گوناہ ایلن یالوارماقدان
 کئچن کئچیب، گله جگه
 قالما، علاج آختارماقدان

باداقلاردان اوزاق گزمیش
 آیاقلارین داشلار ازمیش
 هرگلن بیر دوداق بوزموش
 دانقاز-دونقوزدان، آخماقدان

شیرین سؤزدن شعله آتار
 ظولمتین باغرینا باتار
 دوهلری دوزر قـاـطـار
 یوکون توتار قیزیل میخدان

سینه دفتترین

آچدیم سینه مین دفتترین
 سؤیله دیم دیلرلر ازبرین
 مئه یئل اسیر سرین - سرین
 جیسیمیمین تبین ائندیریر

کباب چکدیم کؤزه قؤیدوم
 کله - پاچا اوتدیم، سؤیدوم
 من پاییمی یئدیم دؤیدوم
 ایت - پیشیک سوموک سیندیریر

دوهنلی دوزدوم قاطارا
 گزدیم اوتارا - اوتارا
 چؤل - باییر اوتون قوتارا
 گور کیم لر کیمی دیندیریر

داغلار

قیش قدمین قۇیدو گومان
بو اوڭكهنى آلدی دومان
یای فصلینده قاردان اومان

اؤرت باشینا قاری داغلار
سایما کؤرپه، قاری، داغلار

کئچن گونلر دوشدو یادا
وفا یوخدور بو دونیادا
محل قویمور دۇستا، یادا

سن دن اۇنون یاری داغلار
یاردان ائدن یاری، داغلار

قیشین آجی کؤتگیندن
سیر - سیر آخیر اتگیندن
اوچوب گئدیپ پتگیندن

هئچ قالمايیب آری، داغلار
چکیرسن بو عاری داغلار

علفلرین آلاق اۇلور
حيوانلارین دالاق اۇلور
قارقالانیر قالاق اۇلور

هانى چۇداردارى، داغلار
اۇلوبسوز دار دارى داغلار

زمانه

کئچیر عؤمور، کئچیر زمان
بیزلره هئچ وئرمیر امان
اوزوم قارا، گونوم یامان

همان منم، همان دونیا
وعدهلری یالان دونیا

یاتانلاری اۇیاندیردین
قیزیل قانا بۇیاندیردین
سالیب اۇدلارا یاندیرین

تۇیو یاسا قاتان دونیا
حیا ائیله اوتان دونیا

گل - گئت، قوناقلارین چۇخدو
کیمی آجدی کیمی تۇخدو
ها باخیرام دیبین یۇخدو

گئتمهلی سن گومان دونیا
غضبیندن تومان دونیا

پۇلاد سینهلره چۇکدون
فیللرین قارینی سۇکدون
انسانلارین قَدِّین بوکدون

وار سنده نه توان دونیا
یاشاییسان جوان دونیا

تاما شالی گورکمین وار
خوش ایگین، آجی طعمین وار
هم گولون وار، هم شمعین وار

اوجا - اوجا داغلارین وار
گوللو، بارلی باغلارین وار
خوشا گلیم چاغلارین وار

چوخلارینی آلدادمیسان
یامان گونلرده آتمیسان
موفته، مچانی ساتمیسان

داغ ییخدین، دریا قوروتدون
سن له اویسنایانی اوتدون
یار - یولداشی تنز اونوتدون

اوچور گوله قونان دونیا
عشقه سالان قیران دونیا

هانی شادلیق تاپان، دونیا
اومودلری پوزان دونیا

یوخدو سنده قالان دونیا
یسیغلمیسان جالان دونیا

قاچانلاری قووان دونیا
توتدوغونو بوغان دونیا

دوستوم سنی

آی دۆلاندی، گون دۆلاندی
گورنمیرم دوستوم سنی
باهار کئچدی گول سولاندی
گورنمیرم دوستوم سنی

اولدوز آخدی قالا دؤندو
یاندی باغیریم کوله دؤندو
گوزوم یاشی سئله دؤندو
گورنمیرم دوستوم سنی

یثر تیتره دی داغلار اوچدو
شیرین آغزیم هله تورشلو
ها باخیرام یثرین بؤشدو
گورنمیرم دوستوم سنی

یئل چالدى سیندی بوداقلار
سئل باسدى کؤرلاندی آرخلار
هارددا قالدی کئچمیش واخلار
گورنمیرم دوستوم سنی

گوئیده بولود پارچالاندی
بشقاب سیندی پای جالاندی
دردیم اوسته درد قالاندی
گورنمیرم دوستوم سنی

فیر فیرا

فیر فیرا تک فیر لانیسان
دئین یوخدو دایان دونیا
دؤننمیر دؤستلارین سندن
فیئل لرینه اویان دونیا

نادانلار هوس له میسن
زمانه لر بسله میسن
آدین ویران سسله میسن
کیمدی باخان سایان دونیا

نه سئو میسن بیستیر میسن
بسؤیا باشا یئتیر میسن
امکلی ایستیر میسن
سئودیکیندن دویان دونیا

بیلینمیرکی نه دیر قصدین
اوزون آرزولاری کسیدین
جوانلارین شستی بستین
تورپاق آلتدا قویان دونیا

شاهلاری تختیندن سالان
وار - یوخونو سالیب آلان
آدی قالان اؤزو قالان
قییان دونیا، قییان دونیا

قالقان

بشر ایچمه آل قالانلاری
بیستیرییدی قالقانلاری
اؤزو بیر گول آغاجی دی
سانا گلمیر مژگانلاری

همسایاندان اؤل مواظب
شرعه واجب دی واجب
یاخشی گونده یامان گونده
گؤزوندن ائیلمه غایب

اؤز حورمتین ساخلا اوزون
آچما آنلامازین اوزون
اونا بیر سؤز، سنه بیر کؤز
هله دئسه سؤزون دوزون

اؤلماسا نمک به حرام
چیرینتیلار توتار آرام
نه چیلپاق تاپیلار نه آج
نه مسکن سیز قالان آدم

سگگیز اورهک سؤز بیر اؤلا
قدم قویا محکم یولا
هشتاد سگگیز یوزمین تک - تک
باشارانماز اؤنلا چالا

مردانه

آشما اوزگه دیواریندان
قییما عرض و ناموسوا
شکست یئمه اؤز قاریندان
وار - یوخونو تۆکممه سووا

نوش ائتمه مردار شرابی
عقل و هوشون گئدر تابى
مومکوندو بدنین تبى
قالخا خفه له یه بسوا

ترياک، توتون اؤلا موفته
زیاندى بدننه سوفته
نه وار بو توستولو پوفده
تلمام تمامدى عیبووا

چوخ دانیشیق قیل و قالدى
آز صحبت دوز شیرین بالدى
بشر اوچون یاخشی حالدى
بیلمه دیگین باشدان سووا

خوش خولقا احترام ائيله
تکبرى سایما وئللله
نانجیى قورخما شیلله
مجال وئرمه مینسین سووا

سؤزوم مرد مردانهدى
خلق ایچینده بیر دانهدى
گوله قوربان پروانهدى
اؤدا دوشمز دؤنسون قووا

محبّت حیرصه غالبدى
محبّته دیل راغبدى
اؤکس اؤزوننه صاحبدى
خیری توتا شرّی قووا

حیرص قالخاندا حیا اوچار
عاغیل اوندان یئیین قاچار
حیوانى نفسده ناچار
شیطان ایملن گیرر دؤوا

بیر آن اوزون تکجه بیلله
شوخی دانیشیب عبث گولمه
حقه بوکول ظولمه ایمه
ظلمت سینا، گونش دوغا

سؤز ائشیدین محمددن
اورهک دولو محبتدن
آمان وسواس مخنثدن
بئندهنى ایله یین دووا

پنهان

کیمین دردی منه تاییدی
دانیشدیغیم آه و وای دی
همی گوندو همی آیدی
بیلیم هاردا اولوب پنهان

دوشوبدو جانیم لرزه
دانیشیقلا اولوب هرزه
بیلیم کیمه یازیم عرضه
دولوبدو ظولم ایله جهان

چوخلاری حقدن بودوردو
عقلینی آزدی قودوردو
چاخیری جاما دولدوردو
مثیل ایله دی دهان - دهان

عیاش بازلیق، قومار نه دی
تریاک، توتون قوبار نه دی
بشر نه دی بونلار نه دی
اکین نعناع، مرزه، ریحان

جوانلاری ضای ائیله دی
وحشی لره تای ائیله دی
دوشمانلارا پای ائیله دی
بو مکروهات بو گوناها

اؤلما قولدور، اؤلما جلد
گلن گونلری ائیله یساد
مگر یوخدو اؤلوم، معاد
میزان، ترازو، امتحان

آییل انسان، آییل بشر
سن له یولداشدی خیر و شر
اوز به اوزسن روز محشر
ملحق اولار سؤز ناگهان

آغ، قارا

قیامتده قان آغلایار
نامحرمه باخان گؤزلو
آخیب سینه سین داغلایار
قورولار آلیشار کؤزلر

حرامه آسیلان قولاق
آسلانا جاق دار ایپیندن
آچیللاجاق ایرین لولاق
سوزوب داماجاق پیپیندن

یالانا آچیلان آغیز
قیفیل لانیب لال اولاجاق
قارالاجاق بیردن آغ اوز
جهنم حلال اولاجاق

ریاست

گلسین ریاستدن اومان
قاباغیندان قاچان کیمدی
ناحق قانا باتیب جومان
قصابینی آچان کیمدی

سلطانلارین داش قالاسی
آنالارین قوچ بالاسی
اوکوزون قاشقا آلاسی
کوتانلاری ساچان کیمدی

سیز داغلارا دۇلو یاغدی
بشقابلار وار دۇلو یاغدی
چوخ آدام وار دیلی یاغدی
اصلی ذاتی سئچن کیمدی

قیزی وئردین، قویما قالا
آپار - گتیر، قالما قالا
ائتمه الدهه مئی پیالا
عوام! دئمه ایچن کیمدی

گولوستان

اورهک سیرین آلاه بیلر
بیلمه سه یاخشیدیر بنده
آه چکمک بدن سوستالدار
دورو سوگووی اوت چمنده

آجیب گوللر رنگارنگی
اؤخور بولبوللر قشنگی
کیم اؤیر دیبدی آهنگی
عجب صفا وار گولشنده

گئجه گولوستان باغیندا
دورموشدوم سو قیراغیندا
گوردوم چشمه بولاغیندا
آی جمالین گؤروشنده

اولدوزلار باتدی آی باتدی
کیم پوزدو کیمی یاراتدی
گؤزلرین رنگی آتدی
گون جمالین گؤروشنده

اود، پروانه

بسله یه نیم آتا، آنا
 راحاتلیغین دانا، دانا
 درد اؤدونا یانا، یانا

سلام سیزه آتا، آتا
 اوره گیزه یاتا، یاتا
 آخ گونلری آتا، آتا

یاندی باغریم کوله دوندو
 گوزوم یاشی سئله دؤندو
 من اؤد الدوم سیز پروانه

آتان گونلر گؤزل اولسون
 دوشمانیزا اجل اولسون
 سیز اؤد اولون من پروانه

ویران

ائدهرم عالمی ویران
 ائیله سین دنیانی زندان
 ائیله سین حکومت شیطان
 ائیله سین دنیاده طغیان
 ائیله سین خلقی بی ایمان
 یئر اوزونده آخسین آلقان
 قویمارام ظالیمی قالسین
 مؤمنی زندانه سالسین
 ظولم ایلله دنیانی آلسین
 خلقی قورخودان سارالسین
 کوفرون اولکەسی چوخالسین
 اونون بایراغی اوجالسین

ائدهرم عالمی ویران
 قویمارام ظالیمی قالسین

قاضی قلم

شاه ملّین چوبانی دی
 کؤینگی ملّت قانی دی
 قاضی قلم قسوربانی دی
 لوت کئچی لر داز اوتولمز

حیا ائیلله خیالیدان
 ال گؤتور خام خیالیدان
 پیس اوولاد پیس عیالیدان
 خئیر گلمز ال اوزولمز

یاخشی آرواد یوخسوللوقدا
 جئجیم توخور تاختا - تاختا
 کیشی پیس چیخاندا باختا
 عومور قورتولماز اوز گولمز

یئکه قارین غم تولوغو
 یولچو قاپیلار قولوغو
 پیس اوشاغین شیت - شولوغو
 دیل قانماز یاخشی پیس بیلمز

یاخشی آتا یاخشی آنا
 یاخشی، پیسی، یاخشی قانا
 وظیفه دی اوولادینا
 خوش تربیت وئره اوّلمز

طاووس

بال شیرین دی بییر آجی
دوزر ساپا آسارلار باجی
کیمده وار بو طالع بو بخت
قوربان کسمز اولار حاجی

وقتی بیلر بانلار خوروس
اوستون گورر شیشر طاووس
ایاغیندان اولان مایوس
شاه دئییل واردی تاجی

تولکو سینه سینه گزر
خوش اوغوردو ائیله نظر
هدفیندن اومود اوزر
تولکو گورنده آغاجی

ایت چوخ وفالی حیواندی
آما سفیه دی شیطان دی
اوندان سفیه ده انسان دی
یالان دانیشار حراجی

هر کس نه قدر آج اولسا
آغزیندا دیشلر سانجی اولسا
هر درده ده علاج اولسا
بو دردین یوخدور علاجی

عوض

دوستو یامان گونده تانی
عوضینه عوض ائیله
اؤزو اؤزوندن اوتانی
عوضینه عوض ائیله

دده ننه زحمت کشدی
دئمه کی زحمتی هئش دی
الیندن آغاجی دوشدی
عوضینه عوض اولسا
ائیله

بیری سنه سلام وئرسه
آجالاندا طعام وئرسه
آلاه عالی مقام وئرسه
عوضینه عوض ائیله

محصولون یاخشی یئتیشسه
مال - داوارین آرتا دوشسه
وار - دولتین حددن آشسا
عوضینه عوض ائیله

نعمت لرین یوخدو سانی
گوستریر حق تعالانی
مهربانلار مهربانی
عوضینه عوض ائیله

حملة

حملة ائيله يک باشباش
چالاق چالانلار ساياغی
دوشمنلره ياغدیراق داش
داش ياغديرانلار ساياغی

دوشمنلر پيشيريرلر ساج
تؤولاسينلار طاماحکار آج
هئچ وضع ايلن وئرمه يک باج
باج وئرمه ينلر ساياغی

داغيلسين دوشمنين تيپی
جاده لرده ووراق کؤرپو
قلعه لره آساق قاپی
قاپی آسانلار ساياغی

مکتب

دلی کونلوم جؤشدو داشدی

داشا قانیم، داشا قانیم

بئله اؤلسم ایشیم یاشدی

یاشا جانیم، یاشا جانیم

هر بیر زادا نظر ساللام

شعریمین الهامین آلام

همیشه دیل لرده قاللام

قالا یانیم، قالایانیم

قلم یازار مرکب دن

سؤزلریم دوشمز مکتب دن

خزانه یم بو سبب دن

سبب سانیم، سبب سانیم

قبول اۇلسا

قلب كى مؤهورلنمەيىب
 نىمازى ادا ئىيلەرم
 جواننام توبە ئىيلەدىم
 حلال ئىيلە منى آلاە
 بىللم قبول اۇلدو توبەم
 عىلت نەدىر چارە نەدىر
 سولو باغلار خزان اۇلسا

قارداشلار

قارداش قدرىن قارداش بىلر
 يامان گونده، يامان گونده
 قارداش قدين قارداش بوكر
 اۇلن گونده، اۇلن گونده
 آلتى قارداش وئر ال اله
 گوجوز بنزر داشقين سئلە
 دوشمنلريز گلر دىلە
 همان گونده، همان گونده

شىيرىن كشين اوتانسىن قد
 يئىين دولانسىن گلەسە بد
 بوؤوك قارداشيز محمد
 دئىن گونده، دئىن گونده

آيىرار

باخما آروادىن سؤزونه
 آتا - آنادان آيىرار
 باخسان آنانىن سؤزونه
 سويو سؤنادان آيىرار

باخ قرانىن حق سؤزونه
 اۇخ وور شيطانىن گؤزونه
 مگر انسان اۇز - اۇزونه
 نفسى، غنادان آيىرار

خانىم دا آغاسينا تلى
 نعمتلىرى ائتمەيه ضاى
 ياتا يالان دئيه واى - واى
 رنگىن حنادان آيىرار

وكىل اۇلدون بىر كولفتدن
 آيىل خيال غفلتدن
 ياراگىنان هر جهتدن
 باشى قانادان آيىرار

تعريف ائىلمەلى يئرى
 دونيانىن بوجور ايشلىرى
 موسى كىمى پىغمبرى
 طور سىنادان آيىرار

كۆچن دى دونيادان هامى
يىغانلار مال حرامى
حاج اۇلا قوربان بايرامى
بىر آد منادان آيىرار

فېكىر ائىدن دە درىندن
اورگىم اۋىنار يىثرىندن
عزىز دوستو بىر - بىرىندن
دوشمن كىينەن آيىرار

ياخشى ائىلە كىردارىنى
بوراخما خانىم يارىنى
عرض و ناموس و عارىنى
غىرت سىز نادان آيىرار

اۋرۇجلىوقدا قارىن لار آج
جەھنم اۋدونا علاج
وقتىندە ائىتمك ازدواج
لەھوى زىنادان آيىرار

فرقى بوخدور اوغلان، قىزىن
بىر بىرىنىن چكە نازىن
«معانى» سۆزلىرىن دوزون
اصل بنادان آيىرار

غنىچە گوللر

جوان عۆمور كىچدى گىتىدى
خزان اۋلدى اچان گوللر
اوزاقلادى گۆزدن ايتدى
قالخىب گۆيە اوچان گوللر

چىلى دومان اۋرتدى داغى
گۆرنمەدى سۆلۈ، ساغى
آشسىن گوللر ياز ساياغى
باخسىن گونە باخان گوللر

سو دۇلاندى سئون اىچدى
گون دۇلاندى گۆزلر شىشىدى
آي دۇلاندى عۆمور كىچدى
بىر دە آچماز سۇلان گوللر

زمان ئىدى عوض اۋلدى
اورەكلر غم ايلن دۇلدى
يارپاق سارالدى گول سۇلدى
آغلار قالدى گولن گوللر

ايشلر ھدف اوزوايلن دىر
گۆزلىكلر گۆزوايلن دىر
مگر خلقىن اۋزوايلن دىر؟
ھىررنگ آچار الوان گوللر

ياغا - ياغا گونش چىخار
قارى نىنە ائش اوزالدار
بولوت يانار اۋخشار آغلار
اۋىنار عطىر ساچان گوللر

گۆزل - گۆیچک

نه باخیرسان گوله - گوله
غنچه دوداق قیزیل گوله
بنزه بیر یار - یولداشلیق
باهازیندان آچان گوله

چیچک گوله، قشک گوله
گۆزل گوله، گۆیچک گوله

گول اولار گونون خندانسی
آچار رنگ به رنگ دندانی
قیرمیزی گوللو شمعدانی
گۆی یارپاق گوله باخ گوله

چیچک گوله، قشک گوله
گۆزل گوله، گۆیچک گوله

گول آچار رنگی آتینجا
عؤمورو باشا چاتینجا
قارا قیرمیزا باتینجا
غنچه سینده سۇلان گوله

چیچک گوله، قشک گوله
گۆزل گوله، گۆیچک گوله

یارپاقلاری پاررا پار
گولو آغ سوغانی ساری
چاغیرار یازی باهاری
آفرین عروس گوله

چیچک گوله، قشک گوله
گۆزل گوله، گۆیچک گوله

یارپاقلاری مخملی گول
گاه گاه دور میرواری گول
گنجه گوندوز یالواری گول
بولوت گوله گونش گوله

چیچک گوله، قشک گوله
گۆزل گوله، گۆیچک گوله

چرخ فلک

دۇلاندیرانمایان چرخ
دۇز طبیعت دۇلاندیرسین
اؤ زادکی یاندی کول اؤلدو
نه جور اؤد بیر ده یاندیرسین

آلدانما مالِ دنیا
جانیم دوشرسن آي وایا
بخت یاتسا گئدر مایا
کیمدی بیر آن یوباندیرسین

سحر دورارسان آياغا
 اوفوقدان نور ياغا - ياغا
 سيرين سپر مئشه باغا
 گول - چيچگي اوياندير سين

اولدوزلار آغدى، آي ساري
 گاه جوان، گاه قوجا قاري
 گون اشار اوجا داغلاري
 غنچه گولون بوياندير سين

گون چالار قيرميز، ياشيلا
 رنگ، ايگ داد وئرر حاصيلا
 اگير بير باروت آچيلا
 ايستر جهاني ياندير سين

گاه گاه

ايچيميزدن گئدن قاري
 اوزاقلاشدين گؤرمك اولمور
 گاه گاه گليب يوخلا باري
 كؤنول ايستير گؤرمك اولمور

گئت - گل تانيش ائيلر يادي
 كسيلسه قؤهوم ياد اولي
 ائو وار دوستاق ائيلر خاني
 ائو واركي غول آزاد اولي

سورودن آيريلان داوار
 حتماً قوردون پايي اولار
 قوردون چنگيندن قورتولسا
 تولكو قالخار آيي اولار

خطري چوخدو جهاني
 آرزوسو اوزون اولسا
 اوز توتسا آلاها بسدير
 امتحاندا چيخان اولسا

تؤكولدو شهيدلر قاني
 حق يولو لاله زار اولدو
 اوجالدي اسلام پرچمي
 هميشه پايدار اولدو

دونلردن عبرت اویرن
 صاباحلارا اومود اولما
 بوگون تصميميني دوز توت
 گلجگه پليد اولما

صاحب زمان

نگهبانلیق ساغ - سؤلوندا گل هرایه، گل هرایه
 کئچهریک جانندان یولوندا گل هرایه، گل هرایه
 نگهبانلیق سؤل - ساغیندا
 چکمه اوللوق آیاغیندا
 قالدین دوشمن قاباغیندا
 گل هرایه، گل هرایه
 دوشمن لر آلدی هریانی
 عالیم لر اولدو زندانی
 آغلار گؤزلرین قوربانی
 گل هرایه، گل هرایه
 اؤد یاندیردی شیعه لری
 کول ائیلهدی ریشه لری
 آغلار قویدو ننه لری
 گل هرایه، گل هرایه
 ایشیقلی گون اولدو قاره
 تاپانماروق بونا چاره
 اوزون یئتیر بو دیاره
 گل هرایه، گل هرایه

قانلی یاش آخدی گؤزلردن
 طاقترلر گئتدی دیزلردن
 نظرین کسمه بیزلردن
 گل هرایه، گل هرایه
 ایشیلریمیز اولدو غیبت
 هئچ کیمده قالمادی عزت
 گلشن تاپاریق شرافت
 گل هرایه، گل هرایه

آناجان

سؤیله ییم آرزوم واردیر حلال ائیله آنا منی
 گتیرن بو جانا منی
 سنی آتماق منه عاردی حلال ائیله آنا منی
 گتیرن بو جانا منی
 گتیر زحمتلرین سانا بیان ائیله من جوانا
 سینه قوربان اولوم آنا حلال ائیله آنا منی
 گتیرن بو جانا منی

آه چکسن گؤزوم قارالار ییخیلام رنگین سارالار
قوزقونلار دؤوره می آلا حلال ائیله آنا منی

گتیرن بو جانا منی

گئجه لر قالدین یوخودان آپاردین جانین آرادان
بسله دین منی بینادان حلال ائیله آنا منی

گتیرن بو جانا منی

دولموسان خانم یاشینا بنزه بیر قدین قاشینا
قوی بیر دولانیم باشینا حلال ائیله آنا منی

گتیرن بو جانا منی

از آیاقلارینین کیرین وئر ایچیم شیریندی شیرین
جنت باغلاریدی یثرین حلال ائیله آنا منی

گتیرن بو جانا منی

تاپانمارام میثلین سنین دولاننام آسمان - زمین
سیللم گؤزلرینین چمین حلال ائیله آنا منی

گتیرن بو جانا منی

آلاهین قویمادی سؤنسوز گئجه لر قویدوم یوخوسوز
دولانیم باشینا شب روز حلال ائیله آنا منی

گتیرن بو جانا منی

اوخشاییش

دردین هر نوعی وار واردیر درمانی

منتظر دیر گله حقیق فرمانی

ایرادینین بنزری وار زور سئله

یسخار داغلاری قالخیزار دریانی

بی معرفت اولار خولق خبیثه

پیس خولق ناشوکور ائیلر انسانی

ناشوکورلر اولار باطیله گدا

گدالیق مپراق ائیلر قیزیل قانی

غیرتی بوش نسیه قبول ائیله مز

خیالیندا ایسجی دوزر مرجانی

حیا خلقلین زینتی امنیتی

انصاف تر ازودور تقوا میزانی

برزخ، یوخو عالمی ایله یولداشدیر

اوخشاری وار بیر - بیرینه بیل، تانی

گیجیک، دار ایی دیر، طاماح چاتماسی

وسواس کورلوق دورکی اؤرت هر یانی

غضب اؤددور، قورخو سوتک ضدی دی

شاد، نور غم، دود توخوم دا نیگارانی

انتظار، قوجالیق کسالت، خزان

آرزو، تیر ضای محصول پشیمانی

اؤروج دان قاچانلار جان وئردی تشنه

شیطان دا آپاردی ناقص ایمانی

ننه باجی لار

ننه بۇشاندى قىز قالدى تىكجەنە
دەدەسى گىتىردى بىر اۋگىنى نەنە
نەنە دە قايتىدى اۋز كىيىنە
گونەدە، گونەدە سالىدى ائوۋە قىل و قال

قانلى دۇيوش تىكىن اۋلدو چال ھاجال
سحر - گوندوز، گىجە، اولدوز،
پىچاق كىسدى، ايسىنە! سىن دوزا

قىز كولەت تىك ايشلەمكىدن يۈرۈلدو
نە وارى ايدى آل باجى يا سۇيۈلدو
آنلا دىقجا ھىي اورە گىي اۋيۈلدو
قىز كۆچۈلدو، دەدە اۋلدو دوشدو ھاي

خال باجى دا اۋلدو آل باجى يا تاي
آيىل، ياتان، دىي تۈر آتان
تۈر سالىب سۇران اوتان

آل چىكىدى بىر يانا، خال دا بىر يانا
مأمور گىلدى عىمى گىئە زىندانى
قالدى يىئە اوچ باجى يا بىر آنا
وفالى خام باجى مالىندان كىچىدى

نە بارەسىندە عۇمرون قان اىچىدى
امك بىيلىمىز، نىدىن گۈلۈمىز
پىس گونە قالمايىش، اۋلىمىز